



## Bab 16

# TINGKATAN AWLIYA' ALLAH

**P**ada siri yang lepas tersebut istilah al-quthb, maka kali ini sukalah kita untuk mengetahui tentang siapakah wali quthb, tugas-tugasnya, begitu juga segala jabatan awliya', sifat-sifat mereka dan segala pekerjaan mereka seperti yang disebut oleh Saiyidina As-Syeikh As-Syazili رحمته الله dan para masyaikh lain -moga Allah meredhoi mereka sekalian-.

Alhamdulillah perkhabaran ini sampai kepada kita hingga dapatlah kita tahu dan kenal betapa Maha Agung, Maha Besar lagi Maha Tingginya Allah Tuhan kita yang tiada Tuhan selain Dia yang Maha Memberi Kurnia, maha mendalam perkhabarannya lagi Maha Alimnya Dia.

وَمَا أُوتِيتُمْ مِّنَ الْعِلْمِ إِلَّا قَلِيلًا.

“...dan tidaklah kamu diberi ilmu melainkan sedikit.” **Al-Isra': 85**

وَفَوْقَ كُلِّ ذِي عِلْمٍ عَلِيمٌ.

“... dan di atas setiap orang berilmu itu ada yang lebih alim darinya.” **Saiyidina Yusuf: 76**

Sidi As-Syeikh Ahmad bin `Iyad As-Syazili رحمته الله meriwayatkan dalam kitabnya Al-Mafakhir Al-'Aliyyah Fil Ma'aatsir As-Syaziliyyah

dari Sidi As-Syeikh As-Soleh Al-Wara' Az-Zahid Al-'Allamah Al-Muhaqqiq Al-Mudaqqiq Syamsuddin bin Katilah رَحْمَةُ اللهِ عَلَيْهِ yang berkata:

“Satu hari aku duduk mengadap Sidi As-Syeikh As-Syazili رَحْمَةُ اللهِ عَلَيْهِ lalu terlintas pada benakku untuk bertanya beliau mengenai quthb. Aku pun mengujar kepadanya: “Ya saiyidi, apa erti quthb?” maka kata beliau padaku: “Quthb itu banyak, sesungguhnya pemuka setiap golongan adalah quthb mereka, adapun wali yang memegang jabatan quthb al-gahuts al-fard al-jami’ maka hanya seorang jua.

### **WALI NUQOBA'**

“Mari ku jelaskan; bahawa para wali nuqoba' seramai 300 orang dan merekalah yang telah menemukan segala yang sembunyi di dalam jiwa. Pekerjaan mereka sepuluh: empatnya zahir dan enamnya batin:

Empat pekerjaan zahir:

1. Banyak beribadah
2. Tahqiq dengan zuhud
3. Bersih dari keinginan diri
4. Kuat mujahadah

Enam pekerjaan batin:

1. Taubat
2. Inabah (kembali rujuk kepada Allah)
3. Muhasabah
4. Tafakkur
5. Berpegang teguh (istiqamah)
6. Riyadhah (mujahadah).



## Bekalan Murid Ke Jalan Akhirat

300 orang wali ini diketuai oleh seorang imam dari kalangan mereka jua; padanyalah mereka mengambil (arahan), kepadanya lah mereka bertauladan dan dialah quthb mereka.

### **WALI NUJABA'**

Kemudian para wali nujaba' seramai 40 orang, ada juga yang mengatakan 70 orang. Mereka sibuk menanggung bebanan segala makhluk lalu tidak melihat melainkan kepada hak orang lain (mereka tiada “aku” dan tidak ada “ini untukku” = mereka sama sekali tidak punya kepentingan diri). Pekerjaan mereka lapan perkara; empatnya zahir dan empatnya batin.

Empat pekerjaan yang zahir:

1. Al-Futuwwah (kepahlawanan; sangat peduli pada kemanusiaan)
2. Tawadhu'
3. Adab
4. Banyak beribadat

Empat pekerjaan yang batin:

1. Sabar
2. Redho
3. Syukur
4. Malu

Dan merekalah ahli makarimul akhlak.

### **WALI ABDAL**

Adapun para wali abdal merupakan golongan rijal (tokoh) ahli kesempurnaan, istiqamah dan *i'tidal* (keseimbangan). Mereka telah

murni dari waham (sangka-sangkaan) dan khayal (fantasi). Pekerjaan mereka empat batin dan empat zahir.

Adapun yang zahir:

1. Diam
2. Berjaga malam
3. Lapar (puasa)
4. Uzlah

	<i><b>Sisi Zahir</b></i>	<i><b>Sisi Batin</b></i>
Diam	meninggalkan kata-kata selain dari zikir menyebut Allah Taala	diamnya hati dari segala rincian dan khabar
Berjaga Malam	tidak tidur	tidak alpa
Lapar (puasa)	(1) Lapar (puasa) para abrar kerana kesempurnaan suluk	(2) Lapar (puasa) para muqorrobin kerana hidangan al-uns (kemesraan)
Uzlah	meninggalkan pergaulan dengan manusia	meninggalkan mesra dengan mereka (kerana mesra dengan Allah).

... tiap satu dari empat pekerjaan ini ada sisi zahir dan batinnya; adapun diam maka sisi zahirnya meninggalkan kata-kata selain dari zikir menyebut Allah Taala dan sisi batinnya pula diamnya hati dari segala rincian dan khabar. Adapun berjaga malam sisi zahirnya tidak tidur dan sisi batinnya pula tidak alpa. Adapun lapar (puasa) terbahagi kepada dua: (1) Lapar (puasa) para *abrar* kerana kesempurnaan suluk (2) Lapar (puasa) para *muqorrobin* kerana hidangan *al-uns* (kemesraan). Adapun uzlah sisi zahirnya meninggalkan pergaulan dengan manusia dan sisi batinnya pula meninggalkan mesra dengan mereka (kerana



Bekalan Murid Ke Jalan Akhirat  
mesra dengan Allah).

Dan wali abdal itu punya empat pekerjaan batin:

1. Tajrid (hanya bersama Allah semata)
2. Tafrid (yang ada hanya Allah)
3. Al-Jam'u (menghimpun antara perbuatan hamba dengan keputusan Allah)
4. Tauhid (mengesakan)

Antara ciri khas yang ada pada abdal ialah dapat musafir pergi dari tempat kaumnya lalu meninggalkan jasad yang serupa dirinya di tempat itu. Maka demikianlah abdal tidak lain dari itu. Hati wali abdal seperti hati Saiyidina Ibrahim عَلَيْهِ الصَّلَاةُ وَالسَّلَامُ. Mereka diketuai oleh seorang imam dari kalangan mereka; padanya mereka mengambil (arahan), dengannya mereka bertauladan dan dialah quthb mereka kerana kedudukannya sebagai pemuka.

Dikatakan bahawa para abdal itu tujuh orang, dikatakan juga bilangan mereka 40 dan yang tujuh itu para wali akhyar; setiap golongan wali ada imam dari kelompok masing-masing dan sang imam adalah quthb mereka.

## WALI AUTAD

Kemudian para wali autad yang dianggoti oleh empat orang. Kedudukan mereka seumpama empat penjuru alam; timur, barat, selatan dan utara. Maqam tiap seorang dari mereka berada di pihaknya. Pekerjaan mereka lapan perkara; empatnya zahir dan empatnya batin. Pekerjaan yang zahir:

1. Banyak berpuasa
2. Qiyamullail sedang orang lain tidur

3. Banyak mengutamakan
4. Istighfar di penghujung malam

Pekerjaan yang batin:

1. Tawakkal
2. Tafwidh (berserah)
3. Tsiqah (percaya)
4. Taslim (patuh dan pasrah)

Seorang dari yang empat ini adalah quthb di kalangan mereka.

Ada pun dua imam pula itulah dua sosok yang berada di kanan kiri quthb. Yang di kanan menilik kepada alam *al-malakut* (batin/malaikat), kedudukannya lebih tinggi dari temannya yang kiri. Yang di kiri menilik kepada alam *al-mulk* (alam semesta). Yang di kanan adalah bakal pengganti quthb. Kedua imam ini menjalankan empat pekerjaan batin dan empat pekerjaan zahir.

Empat pekerjaan yang zahir:

1. Zuhud
2. Warak
3. Menyuruh yang makruf
4. Mencegah yang mungkar

Empat pekerjaan yang batin:

1. Sidq (kejujuran).
2. Ikhlas
3. Malu
4. Muroqabah



Adapun wali ghauts رَحْمَةُ اللهِ عَلَيْهِنَّ maka beliau merupakan peribadi agung lagi penghulu nan mulia, dia sangat diperlukan umat manusia di saat gawat bagi menyingkap apa yang sembunyi dari berbagai ilmu yang amat penting dan segala rahsia ketuhanan. Padanya diminta doa kerana beliau mustajab doanya. Jika beliau bersumpah atas nama Allah nescaya dikabulkan sumpahnya seperti Saiyidina Uwais Al-Qarni رَحْمَةُ اللهِ عَلَيْه di zaman Saiyidina wa Maulana Muhammad Rasulullah ﷺ. Seorang quthb takkan dapat menjadi quthb selagi tidak terhimpun pada dirinya segala sifat awliya' pada semua tingkatan yang telah disebutkan tadi.

Sidi Al-Qasyani رَحْمَةُ اللهِ عَلَيْه menyebutkan dalam kitab Istilahaat As-Sufiyyah: “Adapun dua imam pula itulah dua sosok yang berada di kanan kiri quthb; yang di kanan menilik kepada alam al-malakut (batin/malaikat) dan yang di kiri menilik kepada alam al-mulk (alam semesta), dia lebih tinggi kedudukan dari temannya dan dialah yang akan mengganti al-quthb al-ghauts.” Aku berkata: “Antara yang ini (kanan) dengan yang sebelumnya (kiri) ada perbezaan, maka renunglah dengan saksama.”

As-Syeikh رَحْمَةُ اللهِ عَلَيْه berkata lagi: “Golongan wali afrad merupakan para rijal yang berada di luar tilikan al-quthb al-ghauts.

Adapun para wali umana' mereka adalah golongan *al-malamatiyyah*, yaitu yang tiada kesan (menyembunyikan) dunia batinnya pada dunia zahirnya, dan para siswa mereka berada di berbagai tingkatan maqam al-futuwwah.

Tersebut dalam kitab Istilahaat karya Sidi Syeikhul Islam Zakariyya Al-Ansori رَحْمَةُ اللهِ عَلَيْه: “Para wali nuqoba' adalah mereka yang telah menemukan segala yang sembunyi di dalam jiwa. Bilangan mereka 300. Adapun nujaba' pula merupakan golongan wali yang sibuk memikul bebanan segala makhluk, bilangan mereka 40.” Allah jua yang lebih tinggi, lebih tahu dan lebih agung Subhanahu wa Taala.

Allahumma Robbana mohon kami sekalian beroleh aliran madad mereka, kurniakan kami manfaat mereka, muliakan kami dengan mereka dunia Akhirat dan jadikan kami mukminin, muhsinin dan musoddiqin. Allahumma amin ya arhamar rohimin.



## Bab 17

### **ASAL SEBAB SI FAQIR MENGARANG**

**H**amba yang mengasing diri kepada Allah untuk beribadah dan mahabbah pasti didampingkan kepadaNya, didekatkan, diasingkan untukNya dan diberi pimpinanNya. Selawat dan salam ke atas junjungan Saiyidina wa Maulana Muhammad abdi dan RasulNya yang telah dicintaiNya lagi menjadi pilihanNya; Bagindalah yang terafdhal menyeru kepada Allah Subhanahu wa Taala atas dasar yang jelas, juga buat ahli keluarga dan para sahabatnya yang telah mempersiapkan jalan tareqat bagi setiap salik dan yang menempuh tujuan lagi tawajjuh kepada Tuhan.

Amma ba'du; maka berkatalah abdi yang tiada apa-apa, tidak dikenali lagi seorang faqir kepada Allah yang Maha Pemurah lagi Maha Menderma – hamba yang bernama Mahmoud MrGlani anak kelahiran Madinah, pecinta para junjungan Syaziliyyah juga khadam mereka, bahkan khadam kepada khadam mereka, moga Allah mengampuni segala dosanyanya dan menutup di dunia dan Akhirat segala aibnya. Dan semoga Allah meredhoi syeikh tuan gurunya juga para syuyukhnya, kedua ibu bapanya dan ibu bapa mereka, juga para ikhwannya, para pencintanya, seluruh ahli keluarganya dan ahli keluarga mereka. Allahumma amin.

Aku telah diberi perintah oleh hadrat beliau yang tidak boleh sama sekali ku salah perintahnya untuk mengarang sebuah kitab. Adapun perintah itu telah diberi sejak bertahun-tahun dan beliau adalah tuanku, empunya segala nikmatku, pendidik rohani dan jasmaniku, As-Syeikh





## Bekalan Murid Ke Jalan Akhirat

Al-Kamil wal-Murobbi Al-Fadhil wal-Ustaz Al-Kabir Saiyidina Abdun Nasir -moga Allah mengurnia kita manfaat dengannya-, namun dek kerana kedhaifanku, kejahilanku, kekuranganku, sedikit pengajianku dan lemah kefahamanku dalam bidang yang amat ajaib lagi asing ini telah menjadi hambatan. Bicaranya adalah amat tinggi lagi sangat berharga dalam persoalan adab dan akhlak. Sementelahan pula inilah dia ilmu yang amat besar lagi indah juga merupakan rangkaian wasiat yang tinggi nilainya.

Ditambah lagi dengan pelbagai kesibukan hidup; suka duka dan aneka ragam keutamaan telah menanggukkan aku hingga ke hari ini. Sungguh aku hanyalah seorang murid nan faqir, yang dhaif dan dina lagi ketakutan memohon ampun dan maaf. Harapanku moga hadrat junjungan guruku sudi menerima keuzuran dan permohonan maafku.

Amatlah besar terima kasihku padanya kerana beliau baik sangka terhadapku. Yang mulia guruku رحمته الله telah meminta aku menghimpun segala yang dapat dihimpunkan dari kalam bicaranya mengenai perjalanan tareqat ahli sufi bagi membantu murid dan memperbekalnya dengan apa yang diperlukan dalam menempuh perjalanan menuju Allah Subhanahu wa Taala. Dalam melaksanakan tugas ini beliau telah mengarahkanku untuk mendapatkan bantuan dan memetik dari perkebunan para `arifin billah, para junjungan sufi yang muhaqqiqin dan masyaikh yang kamil dari kitab-kitab mereka yang muktabar. Semuanya ku aturkan dalam karya ini dan aku menamakannya **Zaadul Murid (Bekalan Murid Ke Jalan Akhirat)**, atau **Zaad wa Syarab Muridillah Subhanahu wa Taala (Bekal dan Minuman Si Murid Penuju Allah Subhanahu wa Taala)**, atau **Zaad As-Saa`ir was Salik Fi Thoriqillahi Tabaroka wa Taala (Bekal Kembara dan Salik Di Jalan Allah Tabaroka wa Taala)**.

Sesudah terhimpun isi kitab ini di tanganku terlihatlah padaku bahawa topik dan bicaranya berterusan lagi tidak bernoktah akhir. Dengan itu aku pun menyusunnya dalam bentuk siri artikel di Facebook agar faedahnya merata kepada semua.

Sementelahan pula kalam junjungan sufi (kaum ahli Allah) -redho

Allah atas mereka sekalian- adalah lautan demi lautan dan samudera demi samudera yang tak bertepi lagi telaga demi telaga yang tidak berdasar dan berpenghujung. Kerana peribadi sufi adalah anak waktunya, dia mencedok makrifat dan mengambil dari segala yang ada. Inilah yang diungkapkan oleh Syeikhul Islam di zamannya Sidi Al-'Izz ibnu Abdis Salam رَحْمَةُ اللهِ عَلَيْهِ: "Kalam ahli sufi amat dekat dengan kenabian, kalam mereka terpancar dari pelita *nubuwwah*," ini diucapkan beliau selepas mendengar mutiara kata dari Saiyidina As-Syeikh As-Syazili رَحْمَةُ اللهِ عَلَيْهِ ketika mereka bersama-sama di Kota Al-Mansurah berperang menentang Tentera Salib Eropah. Akhirnya kemenangan berpihak kepada kaum Muslimin dan Raja Nasrani telah ditawan.

Lalu fahamilah dan tutuplah rahsia, sesungguhnya menutup rahsia adalah amanah sedang membongkarnya adalah khianat. Sekarang sudah kau tahu maka iltizamlah.

Seperti yang telah sedia diketahui, diingini, dikehendaki dan dikasihi; bahawa setiap murid yang bernisbah kepada seorang syeikh tareqat sufi lagi pendeta hakikat maka wajiblah bagi si murid untuk mengetahui dasar tareqat syeikhnya dan masyaikhnya, hendaklah dia mengetahui segala zikir syeikhnya, wirid-wiridnya, kekeramatannya, perjalanan hidupnya, keturunannya, silsilahnya, nisbahnya dan sifatnya. Ini supaya bertambah keinginan si murid dan salik lagi semakin mantap mahabbahnya. Dan lagi supaya terang baginya jalan tareqat lalu dapat dia menjejak perjalanannya dan dapat dia membaca apa-apa yang diizinkan kepadanya untuk dibaca atau apa yang mampu dibacanya selepas mohon izin dari syeikhnya. Dengan itu dapatlah dia masuk bersama syeikh dengan kadar makrifatnya dari beliau dan apa yang diambil dari gurunya itu.

Sebagai contoh jika ada insan yang bernisbah kepada seorang imam syariat atau tareqat tanpa mengetahui kalam sang imam mengenai jalannya itu, maka tiada apa yang diperolehi dari nisbahnya melainkan nama semata.

Oleh itu -juga dengan pertolongan Allah, dengan taufik dan madadNya- kita akan berbicara tentang syeikh **Tareqat As-Syaziliyyah** di waktu ini yaitu syeikh dan mursyid kita **Saiyidina Al-'Arif Billah As-**



**Syarif Al-Hasani Al-Ustaz Abdun Nasir Ibnu Abu Bakr As-Siddiq Al-Jaza'iri As-Satha'ifi As-Syazili** yang kemudian mengambil nisbah **Al-Hijazi Al-Madani** dan **Al-Makki** -moga Allah meredhoinya dan mencapaikan keredhoan buatnya-. (Beliau adalah dari anak cucu **Saiyidina As-Syeikh Abdus Salam bin Masyish رَحْمَةُ اللهِ عَلَيْهِ** demikianlah sekadar pengetahuanku (kerana dikata pepatah sufi: “Hanya syeikh kamil mengenal syeikh kamil”).

Yang akan disampaikan kepada sidang pembaca merupakan apa yang ku dengar dan ku saksikan sendiri sejak hari beliau menemuiku dan memimpin tanganku menuju Allah Subhanahu wa Taala (demikianlah *fath* bagiku adalah pertemuanku dengannya), kemudian Allah telah memuliakanku dengan dapat berkhidmat dan suhbah (mendamping) kepada beliau.

Pertemuan pertamaku dengannya terjadi di Kota Madinah Al-Munawwarah di Masjid Nabawi yang mulia; peristiwa itu berlaku antara Bab Ar-Rahmah dengan Bab (Khaukhah) Saiyidina Abu Bakr As-Siddiq رَضِيَ اللهُ عَنْهُ وَأَرْضَاهُ waktu bulan Ramadhan tahun 1407H.

Dalam buku (yang sebelumnya siri artikel Zaadul Murid) ini juga kita akan banyak berbicara tentang imam Tareqat As-Syaziliyyah; tareqat yang dinamai dengan nama sang imam selama Allah mewariskan bumi dan para penghuninya, beliaulah junjungan dan ikutan kita; **Al-'Arif Billah Al-Imamul Akbar Al-Muhaqqiq Al-Quthb Al-Ghauts Al-Fard Al-Jami' As-Syarif Al-Hasani Abul Hasan Ali Ibnu Abdul Jabbar Al-Maghribi At-Tunisi Al-Misri As-Syazili رَضِيَ اللهُ عَنْهُ وَأَرْضَاهُ**, kerana tareqatnya merupakan antara tareqat yang paling terang perjalanan, paling masyhur, paling bercahaya, paling dekat dan paling mudah seperti yang akan kau lihat nanti pada sifatnya.

Oleh itu sukalah aku menghimpun dalam siri artikel ini sifat junjungan Syeikh رَحْمَةُ اللهِ عَلَيْهِ, nisbahnya, negeri kelahirannya, pengembaraannya, pertemuan beliau dengan para gurunya, silsilahnya, beberapa karomahnya, perjalanan hidupnya yang terpuji, kewafatannya dan lokasi pusaranya. Begitu juga akan dibicarakan dasar tareqatnya dan kalam beliau mengenainya juga kalam para temannya. Dan lagi akan

dibicarakan hizib-hizib amalannya, wirid-wirid dan zikir-zikirnya. Tak lupa juga akan disebutkan amalan yang diajar beliau kepada para murid dan temannya dalam menghadapi berbagai kesulitan.

Untuk tujuan itu aku telah memetik bahan yang pertamanya dari kitab-kitab karya junjungan masyaikh As-Syaziliyyah seperti Durratul Asror karya Sidi As-Syeikh Ibnus Sobbagh رَحْمَةُ اللهِ عَلَيْهِ، kitab Latho'iful Minan karya Sidi As-Syeikh Tajuddin bin Atho'llah As-Sikandari رَحْمَةُ اللهِ عَلَيْهِ dan kitab Al-Mafakhir Al-'Aliyyah Fil Ma'aatsir As-Syaziliyyah karya Sidi As-Syeikh Ahmad bin 'Iyad As-Syazili رَحْمَةُ اللهِ عَلَيْهِ. Kemudian ku kutip pula dari karya selain Syaziliyyah yang terlalu banyaknya. Alhamdulillah jua yang maha memberi nikmat lagi maha berbudi.

Moga Allah mengulang-ulang kembali terhadap kita dari segala keberkatan, sirr dan nur mereka. Semoga Allah memakaikan kita akhlak, adab, amalan dan mu'amalah (interaksi) mereka zahir dan batin. Pun begitu akulah yang kurang benar menjejaki perjalanan mereka, hanya sanya aku berpegang erat dengan tali cinta mereka lagi menginding-nginding pada segala pintu budi mereka.

(Sidi As-Syeikh Abul Mawahib As-Syazili رَحْمَةُ اللهِ عَلَيْهِ yang berketurunan dari Saiyidina Abul Hasan As-Syazili رَحْمَةُ اللهِ عَلَيْهِ berkata: "Aku telah bermimpi melihat junjungan Saiyidina wa Maulana Rasulullah ﷺ, lalu aku pun berkata kepada Baginda: "Ya saiyidi ya Rasulullah, hamba ini menginding-nginding kepada ilmu Tasawuf," maka sabda Baginda ﷺ: "Bacalah kalam kaum sufi, sesungguhnya orang yang menginding-nginding kepada ilmu ini adalah wali. Adapun yang alim pada ilmu ini maka dirinya menjadi bintang yang tak tergapai").

عَلَيْكَ صَلَّى اللهُ \* يَا خَيْرَ خَلْقِ اللهِ

وَالْأَلِ وَالْأَصْحَاب \* وَالْقَوْمِ أَهْلِ اللهِ




## Bekalan Murid Ke Jalan Akhirat

بِهَذِهِ الْعَقِيدَةِ الْمَرْضِيَّةِ \* نُوَافِقُ الْجَمَاعَةَ الْمَهْدِيَّةِ

*Allah berselawat ke atasmu,  
wahai ciptaanNya yang terbaik  
juga pada keluarga dan sahabatmu  
dan kepada kaum Ahlillah  
dengan aqidah yang diredhoi ini  
kami bersama golongan  
yang beroleh petunjuk hidayah*

Dari mereka ku harapkan madad, qabul, dampingan dan wushul.  
Kepada Allah jua aku bertawakkal dan minta tolong.



## Bab 18

# **AS-SYEIKH ABUL HASAN AS-SYAZILI رَضِيَ اللَّهُ عَنْهُ NASAB & CIRI PERIBADI SAIYIDINA**

**H**adrat tuan puan sekalian, saya mohon agar siri artikel ini diambil perhatian mendalam, difahami, dilatih dan dipraktis dalam kehidupan sehari-hari setiap satunya dengan sempurna, kemudian baru berpindah kepada artikel kedua dan begitulah seterusnya. Saya mohon agar siri artikel ini dibaca dengan tadabbur, dengan hafaz dan hadir jiwa serta diselami makna yang tersurat dan tersiratnya.

Adapun mengenai nasab Saiyidina As-Syeikh As-Syazili رَضِيَ اللَّهُ عَنْهُ maka beliaulah empunya tareqat ini dan penegak panji-panji tahqiq. Beliau adalah Al-Ustaz (pendeta), Al-Imam, Hujjatus Sufiyyah (pertahanan kaum sufi), As-Syarif Al-Hasani (turunan mulia dari zuriat Saiyidina Al-Hasan) Al-Hasib An-Nasib (titihan kenamaan yang berdarah daging) kepada junjungan Al-Habib ﷺ.

Beliaulah maksud tujuan bagi yang menujunya, sosok yang berisi ilmu-ilmu robbani dan segala sirr ladunni hingga memenuhi dirinya; Saiyidina Taqiyyuddin Ali Abul Hasan As-Syazili Ibnu Abdullah Ibnu Abdul Jabbar yang sampai titik nasabnya kepada Sidi As-Syarif Al-Hasani Idris yang dibaiai menjadi raja berdaulat di benua Maghribi; Ibnu Sidi Abdullah Ibnu Sidi Al-Hasan Al-Mutsanna putera penghulu pemuda syurga lagi cucunda Baginda Rasul insan termulia; Abu



## Bekalan Murid Ke Jalan Akhirat

Muhammad Saiyidina Al-Hasan Ibnu Amirul Mukminin Saiyidina Ali bin Abi Tholib كَرَّمَ اللَّهُ وَجْهَهُ وَرَضِيَ اللَّهُ عَنْهُ وَأَرْضَاهُ; putera Saiyidatina Fatimah Az-Zahra' عَلَيْهَا الصَّلَاةُ وَالسَّلَامُ binti Saiyidina wa Maulana Muhammad Rasulullah صَلَّى اللَّهُ عَلَيْهِ وَعَلَى آلِهِ وَصَحْبِهِ وَسَلَّمَ.

Adapun sifat peribadinya seperti yang disebut oleh Sidi As-Syeikh Al-Wali Muhammad bin Al-Qasim Al-Himyari yang kesohor dengan panggilan Sidi As-Syeikh Ibnu As-Sobbagh رَحِمَهُمُ اللَّهُ pengarang kitab Durratul Asrar yang berkata: “Aku telah mendengar dari Sidi As-Syeikh Abul Azaim Madhi رَحِمَهُمُ اللَّهُ berkata: “Adapun sifat peribadi Saiyidina As-Syeikh As-Syazili رَحِمَهُمُ اللَّهُ maka beliau itu berkulit antara hitam dan putih, badannya kurus tinggi, sedikit janggut di wajahnya, jari-jemari tangannya panjang seolah-olah beliau orang Hijaz. Lisannya fasih, kalamnya enak didengar. Beliau itu رَحِمَهُمُ اللَّهُ jika sudah mendalam bicaranya akan mengujar: “Tiadakah orang akhyar yang memahami rahsia-rahsia kami ini... marilah mendapatkan orang yang Allah telah menjadikannya samudera limpahan cahaya.” Beliau berkata: “Aku telah mengambil warisanku dari Saiyidina wa Maulana Muhammad Rasulullah صَلَّى اللَّهُ عَلَيْهِ وَسَلَّمَ lalu aku dikurnia kuasa perintah pada berbagai khazanah asma'. Kalaulah jin dan manusia sekalian mencatat ilmu dariku hingga ke hari kiamat pun nescaya mereka akan lelah dan bosan.”

Adapun tanah kelahirannya رَحِمَهُمُ اللَّهُ maka beliau telah dilahirkan di sebuah desa kecil dalam negeri Ghammarah Al-Kabirah yang letaknya di utara kerajaan Maghribi yang menganjur daratannya hingga ke Laut Mediterranean. Desa kecil ini sekarang sudah pupus namun di lokasinya masih ada beberapa buah rumah lama dan sebuah masjid tua yang indah. Aku pernah menziarahinya beberapa kali waktu mengiring guru kita Saiyidina As-Syeikh Abdun Nasir bersama rombongannya yang diberkati dalam perjalanan kami berziarah ke makam guru dan pintu futeh Saiyidina As-Syeikh As-Syazili yaitu Saiyidina wa Maulana As-Syeikh Abdus Salam bin Masyish رَحِمَهُمُ اللَّهُ (perayaan maulidnya رَحِمَهُمُ اللَّهُ berterusan sepanjang tahun, khususnya pada minggu pertama bulan Julai setiap tahun. Ada juga masyarakat yang merayakan maulid beliau pada Hari Arafah setiap tahun, bahkan sampai dirawikan satu kaul

masyhur dari para asyraaf dan saadah Maghribi barangsiapa yang tidak dapat naik haji di Makkah maka janganlah terlepas berziarah musim itu pada Maulay Abdul Salam bin Masyish).

Mengenai masa dan lokasi perayaan maulid Saiyidina As-Syeikh As-Syazili رَحْمَةُ اللهِ عَلَيْهِمَا pula; tarikhnya pada hari kelahiran beliau; sembilan Zulhijjah (yang bersamaan dengan Hari Arafah di musim haji), lokasinya di daerah Humaytsara (tempat pusara beliau) yang jauhnya kira-kira dua jam perjalanan kereta dari Kota Aswan (selatan Republik Mesir).

Tempat kelahiran Saiyidina As-Syeikh As-Syazili رَحْمَةُ اللهِ عَلَيْهِمَا juga amat dekat kedudukannya dengan Kota Chefchaouen (dan kota ini turut digelar sebagai zawiya Sidi wa Maulay Abdul Salam bin Masyish @ Basyish رَضِيَ اللهُ عَنْهُ وَأَرْضُهُ), lokasinya di kanan jalan yang mengarah ke Kota Wazzan dan Kota Fes dari belahan timur Gunung Al-A'lam pada Banjaran Atlas Utara.

Di puncak Gunung Al-A'lam pula terletak lokasi perayaan maulid, khalwah, makam dan pusara mahagurunya; Al-Quthb Al-Ghauts As-Syahir tempat minum segala yang dahaga Saiyidina wa Maulana As-Syeikh Al-Kamil Abdus Salam Ibnu Masyish رَضِيَ اللهُ عَنْهُ وَأَرْضُهُ.

Saiyidina As-Syeikh As-Syazili رَحْمَةُ اللهِ عَلَيْهِمَا telah diputerakan kira-kira setelah 593 tahun dari hijrah nabawi junjungan Saiyidina wa Maulana Muhammad ﷺ -ke atas Baginda selawat terafdhal, salam dan penghormatan terbaik beserta takzim yang paling sempurna-.

أَمَّا الْإِمَامُ الشَّاذِلِيُّ طَرِيقَتُهُ \* فِي الْفَضْلِ وَاضِحَةٌ لِعَيْنِ الْمُهْتَدِي

وَلَوْ قِيلَ لِي فِي الرِّجَالِ مُكْمَلٌ \* لَقُلْتُ إِمَامِي الشَّاذِلِيُّ أَبُو الْحَسَنِ





لَقَدْ كَانَ بَحْرًا فِي الشَّرَائِعِ رَاسِخًا \* وَلَا سِيَّمَا عِلْمُ الْفَرَائِضِ وَالسُّنَنِ

وَمِنْ مَنَهْلِ التَّوْحِيدِ قَدْ عَبَّ وَارْتَوَى \* فَاللَّهُ كَمْ رَوَى قُلُوبًا بِهَا مَحَنَ

فَإِنِّي لَهُ عَبْدٌ وَعَبْدٌ لِعَبْدِهِ \* فَيَا حَبَّذَا عَبْدٌ لِعَبْدِ أَبِي الْحَسَنِ

إِذَا لَمْ أَكُنْ عَبْدٌ لِشَيْخِي وَقُدُوتِي \* إِمَامِي وَذُخْرِي عَبْدُ النَّاصِرِ أَكُنْ لِمَنْ

فَيَا رَبَّ بِالسَّرِّ الَّذِي وَهَبْتَهُ \* تَمَنُّنٌ عَلَيْنَا جَمِيعًا بِالْمَوَاهِبِ وَالرِّضَا

Adapun Imam As-Syazili;  
tareqatnya itu kemuliaan  
jelas dilihat dengan mata  
bagi yang beroleh tuntunan

jika dikata kepadaku siapa gerangan  
rijal agung disempurnakan  
nescaya terang aku katakan  
dialah imamku As-Syazili Abul Hasan

Sungguh beliau samudera nan hebat  
teguh pengetahuan dalam syariat  
mendalam ilmunya teramat lebat  
segala yang fardhu jua yang sunat

Mata air Tauhid telah diteguknya  
hingga puas terisi penuh jiwanya  
lalu beliau telah menyiram

*banyak hati yang remuk redam*

*Sungguhlah aku ini hambanya  
lagi hamba kepada hambanya  
alangkah bertuahnya menjadi hamba  
pada hamba Sidi Abil Hasan*

*Jika aku tidak menghamba  
kepada guruku lagi ikutan;  
imamku, jua yang menyelamatkan  
Syeikh Abdun Nasir suri tauladan  
katakan padaku kepada siapa  
diriku ini nak ku hambakan*

*Duhai Robbi hamba pohonkan  
demi sirr yang Kau berikan  
sudilah memberi banyak kurniaan  
pada kami berserta keredhoan*



Bab 19

## SANAD JALUR TASAWUF

أَنَا الشَّاذِلِيُّ إِنْ حَيِّتُ فَإِنْ أُمْتُ \* فَمَشُورَتِي فِي النَّاسِ أَنْ يَتَشَذَّلُوا

تَمَسَّكَ بِحُبِّ شَيْخِكَ وَسَيِّدِكَ فَإِنَّهُ \*

لَهُ طُرُقُ التَّسْلِيكِ فِي السَّرِّ وَالْجَهْرِ

تَوَسَّلْ بِهِ فِي كُلِّ حَالٍ تُرِيدُهُ \* فَمَا خَابَ مَنْ يَأْتِي بِهِ مُتَوَسِّلًا

*Selagi mana ada hayatku*

*jadi Syazili tetaplah aku*

*kalau mati; pesanku ini*

*duhai insan jadilah Syazili*

*Peganglah engkau dengan teguhnya*

*pada cinta syeikh dan tuanmu  
sungguh benar ada padanya  
segala jalan menempuh suluk  
dalam bentuk yang dapat dilihat  
juga jalan yang tersembunyi*

*Hendaklah engkau tawassul dengannya  
dalam tiap hal yang engkau mahu  
sungguh takkan pulang kecewa  
siapa bertawassul dengan syeikh mursyidnya*

Adapun sanad Saiyidina Abul Hasan As-Syazili dalam jalur Tasawuf رَضِيَ اللَّهُ عَنْهُ وَأَرْضَاهُ beliau telah mengambil dari dua orang mahaguru lagi imam;

(1) Sidi As-Syeikh Abu Abdullah Muhammad bin As-Syeikh Abul Hasan Ali yang dikenal juga dengan gelar Ibnu Harazim رَضِيَ اللَّهُ عَنْهُ وَأَرْضَاهُ.

(2) Sidi As-Syeikh Abu Abdullah Abdus Salam bin Masyish رَضِيَ اللَّهُ عَنْهُ وَأَرْضَاهُ.

Adapun Sidi As-Syeikh Abu Abdullah Muhammad Ibnu Harazim رَضِيَ اللَّهُ عَنْهُ (makamnya di Kota Fes, Morocco) telah mengambil Tasawuf dari Sidi As-Syeikh Abu Muhammad Soleh bin Bensoor Ad-Dukali رَضِيَ اللَّهُ عَنْهُ (makamnya di Kota Aasifi, Morocco), beliau mengambil dari Sidi Abu Madyan Syuaib Al-Andalusi Al-Isybili Al-Ansori رَضِيَ اللَّهُ عَنْهُ (makamnya di Kota Tilimsan, Algeria), beliau mengambil dari Sidi Syeikh Al-'Arifin Al-Quthb Al-Ghauts Abu Ya'zah ('Izzah) Adaar Ibnu Maymun Al-Hzmiri Al-Haskuri رَضِيَ اللَّهُ عَنْهُ (makamnya terletak antara Kota Miknas dengan Kota Khuneifrah di Al-Jabal), beliau mengambil dari Sidi As-Syeikh Abu Syuaib Ayyub



## Bekalan Murid Ke Jalan Akhirat

bin Said As-Sonhaji Al-Azmuri رَحِمَهُ اللهُ تَعَالَى, beliau mengambil dari Sidi As-Syeikh Al-Kabir Al-Wali Abu Muhammad Tannur رَحِمَهُ اللهُ تَعَالَى, beliau mengambil dari Sidi As-Syeikh Al-Jalil Al-Imam Abu Muhammad Abdul Jalil bin Wayhalan رَحِمَهُ اللهُ تَعَالَى, beliau mengambil dari Sidi As-Syeikh Al-Jalil Abu Al-Fadhl Abdullah bin Abu Bisyr رَحِمَهُ اللهُ تَعَالَى, beliau mengambil dari ayahndanya Abu Bisyr Al-Hasan Al-Jauhari رَحِمَهُ اللهُ تَعَالَى, beliau mengambil dari Sidi As-Syeikh Abul Hasan Ali An-Nuri رَحِمَهُ اللهُ تَعَالَى, beliau mengambil dari Sidi As-Syeikh Abul Qasim Al-Junaid رَحِمَهُ اللهُ تَعَالَى (makamnya di Kota Baghdad, Iraq) kemudian dengan sanadnya yang bersambungan kepada hadrat junjungan mulia Saiyidina wa Maulana Muhammad Rasulullah ﷺ (makam, raudhah dan halaman sucinya di kota elok nan mulia - Al-Madinah Al-Munawwarah).

Satu lagi sanadnya dari jalan Sidi As-Syeikh Abu Madyan رَحِمَهُ اللهُ تَعَالَى yang mengambil dari Sidi As-Syeikh As-Syasyi رَحِمَهُ اللهُ تَعَالَى, beliau mengambil dari Sidi As-Syeikh Abu Saeed Al-Maghribi رَحِمَهُ اللهُ تَعَالَى, beliau mengambil dari Sidi As-Syeikh Abu Yaakub An-Nahrjuri رَحِمَهُ اللهُ تَعَالَى, dari Sidi As-Syeikh Al-Junaid رَحِمَهُ اللهُ تَعَالَى, dari Sidi As-Syeikh Sirriy As-Saqthi رَحِمَهُ اللهُ تَعَالَى, dari Sidi As-Syeikh Maarof Al-Karkhiy رَحِمَهُ اللهُ تَعَالَى, dari Sidi As-Syeikh Daud At-Tho'iy رَحِمَهُ اللهُ تَعَالَى, dari Sidi As-Syeikh Habib Al-Ajami رَحِمَهُ اللهُ تَعَالَى yang mengambil dari tabi'in mulia Sidi Abu Bakr Muhammad bin Sirin رَحِمَهُ اللهُ تَعَالَى (makamnya di Qaherah - kawasan kejiranan As-Saiyidah Zeinab penghulu Dewan Awliya عَلَيْهِمُ الصَّلَاةُ yang perayaan maulidnya pada hari Selasa terakhir bulan Rejab setiap tahun), beliau mengambil dari junjungan sahabat mulia Saiyidina Anas bin Malik رَضِيَ اللهُ عَنْهُ وَأَرْضَاهُ yang mengambil dari penghulu kewujudan Saiyidina wa Maulana Muhammad Rasulullah ﷺ.

Satu lagi sanadnya dari jalan Sidi As-Syeikh Maarof Al-Karkhiy رَحِمَهُ اللهُ تَعَالَى (makamnya di Kota Baghdad), beliau mengambil dari Sidi As-Syeikh As-Saiyid Al-Husaini Saiyidina Ali bin Musa Ar-Ridho رَحِمَهُ اللهُ تَعَالَى (makamnya di Kota Masyhad), beliau mengambil dari ayahandanya Saiyidina Musa Al-Kazim رَحِمَهُ اللهُ تَعَالَى (makamnya di Kota Baghdad), beliau mengambil dari ayahandanya Saiyidina Jaafar As-Sodiq رَحِمَهُ اللهُ تَعَالَى (makamnya di Jannatul Baqi' Madinatul Munawwarah), beliau mengambil dari ayahandanya Saiyidina Muhammad Al-Baqir رَحِمَهُ اللهُ تَعَالَى (makamnya di Jannatul Baqi' Madinatul Munawwarah), beliau mengambil dari ayahandanya Saiyidina Ali Zainal Abidin رَحِمَهُ اللهُ تَعَالَى (makamnya di Kota

Qaherah), beliau mengambil dari ayahandanya Saiyidina wa Maulana Al-Husein رَضِيَ اللَّهُ عَنْهُ penghulu pemuda ahli syurga (yang banyak makamnya di merata negara dan makamnya yang masyhur di Kota Qaherah), beliau mengambil dari ayahandanya Saiyidina wa Maulana Al-Imam Ali رَضِيَ اللَّهُ عَنْهُ yang mengambil dari Saiyidil Mursalin lagi imam para masyaikh yang kamilin Saiyidina wa Maulana Muhammad bin Abdullah Rasulullah صَلَّى اللَّهُ عَلَيْهِ وَسَلَّمَ.

Al-Imam Saiyidina As-Saiyid Al-Husaini Jaafar As-Sodiq رَضِيَ اللَّهُ عَنْهُ juga mengambil ilmu Tasawuf dari datuk sebelah ibunya Saiyidina Al-Imam Al-Qasim Ibnu Saiyidina Muhammad Ibnu Saiyidina Abu Bakr As-Siddiq رَضِيَ اللَّهُ عَنْهُ yang mengambil dari junjungan sahabat mulia Saiyidina Salman Al-Farisi رَضِيَ اللَّهُ عَنْهُ yang mengambil dari Saiyidil Mursalin lagi Imamul Muttaqin Saiyidina wa Maulana Muhammad Rasulullah صَلَّى اللَّهُ عَلَيْهِ وَسَلَّمَ.

Adapun sanad Saiyidina As-Syeikh As-Syazili رَضِيَ اللَّهُ عَنْهُ dari jalan Saiyidina wa Maulana As-Syarif Al-Hasani Abu Abdullah Abdus Salam bin Basyish رَضِيَ اللَّهُ عَنْهُ (di Maghribi beliau رَضِيَ اللَّهُ عَنْهُ lebih masyhur dengan nama Masyish) yang merupakan antara mahaguru terbesar kepada As-Syeikh Sidi Abul Hasan As-Syazili; di tangan mahagurunya inilah beliau beroleh futeh lagi kepadanya beliau bernisbah jika ditanya siapa syeikhnya. Sidi wa Maulay Abdus Salam رَضِيَ اللَّهُ عَنْهُ adalah putera kepada Sidi Basyish رَضِيَ اللَّهُ عَنْهُ Ibnu Sidi Mansur رَضِيَ اللَّهُ عَنْهُ Ibnu Sidi Ibrahim رَضِيَ اللَّهُ عَنْهُ As-Syarif Al-Hasani tsumma Al-Idrisi putera Sidi Idris رَضِيَ اللَّهُ عَنْهُ Ibnu Sidi Abdullah رَضِيَ اللَّهُ عَنْهُ Ibnu Saiyidina Al-Hasan Al-Mutsanna رَضِيَ اللَّهُ عَنْهُ Ibnu Saiyidina Al-Hasan As-Sibth رَضِيَ اللَّهُ عَنْهُ penghulu pemuda ahli syurga Ibnu Saiyidina wa Maulana Ali Ibnu Abi Tholib رَضِيَ اللَّهُ عَنْهُ dan semoga Allah meredhoi kita dan diriku dengan sebab mereka sekalian, Allahumma amin.

Sidi wa Maulay Abdus Salam bin Masyish رَضِيَ اللَّهُ عَنْهُ mengambil Tasawuf dari Al-Quthb As-Syarif As-Saiyid Abdur Rahman Al-Hasani Al-Madani Al-‘Aththor Az-Zayyat رَضِيَ اللَّهُ عَنْهُ. Adapun Al-Madani itu kerana nisbahnya kepada Madinah kota Baginda junjungan صَلَّى اللَّهُ عَلَيْهِ وَسَلَّمَ, Az-Zayyat pula nisbah kepada Lorong Az-Zayyat dan terkenallah beliau dengan gelar Az-Zayyat.

As-Syarif As-Saiyid Abdur Rahman berguru dan mengambil ikutan



## Bekalan Murid Ke Jalan Akhirat

kepada gurunya Al-Quthb Ar-Robbani As-Syeikh Taqiyyuddin Al-Fuqoyyir As-Sufi رَحْمَةُ اللهِ عَلَيْهِ yang digelar diri sebagai Al-Fuqoyyir (Si Faqir Kerdil) kerana tawadhu'nya dan beliau bertempat di tanah Iraq, beliau berguru dan mengambil ikutan kepada Sidi Al-Quthb Fakhruddin رَحْمَةُ اللهِ عَلَيْهِ , beliau mengambil dari Sidi Al-Quthb Nuruddin Abul Hasan Ali رَحْمَةُ اللهِ عَلَيْهِ , beliau mengambil dari Sidi Al-Quthb Tajuddin رَحْمَةُ اللهِ عَلَيْهِ, beliau berguru dan mengambil ikutan kepada Sidi Al-Quthb Syamsuddin Muhammad di benua Turki رَحْمَةُ اللهِ عَلَيْهِ, beliau mengambil dari Al-Quthb Sidi As-Syeikh Zaynuddin Al-Qazwini رَحْمَةُ اللهِ عَلَيْهِ, beliau mengambil dari Al-Quthb Abu Ishaq Ibrahim Al-Basri رَحْمَةُ اللهِ عَلَيْهِ, beliau mengambil dari Al-Quthb Abul Qasim Ahmad Al-Marwani رَحْمَةُ اللهِ عَلَيْهِ, beliau mengambil dari Al-Quthb Sidi As-Syeikh Saeed رَحْمَةُ اللهِ عَلَيْهِ, beliau mengambil dari Al-Quthb Sidi As-Syeikh Saad رَحْمَةُ اللهِ عَلَيْهِ, beliau mengambil dari Al-Quthb Sidi As-Syeikh Abu Muhammad Fath As-Su'uud رَحْمَةُ اللهِ عَلَيْهِ, beliau mengambil dari Al-Quthb Sidi As-Syeikh Al-Qazwani رَحْمَةُ اللهِ عَلَيْهِ, beliau mengambil dari Al-Quthb Sidi As-Syeikh Abu Muhammad Jabir رَحْمَةُ اللهِ عَلَيْهِ, beliau mengambil dari wali quthb pertama As-Saiyid As-Syarif Al-Hasib An-Nasib As-Sohabi yang terbunuh syahid kerana diracun As-Sibth As-Saiyid Abu Muhammad Saiyidina Al-Hasan Ibnu Saiyidina Ali bin Abi Tholib رَضِيَ اللهُ عَنْهُمَا yang telah berguru dan mengambil ikutan daripada nendanya Saiyidina wa Maulana Muhammad Rasulullah penghulu dunia dan Akhirat ﷺ.

Setiap peribadi yang tersebut dalam rangkaian di atas masing-masing punya silsilah dan sanad (matarantai syeikh) yang menjadi kemuliaan dan dibanggakan. Masing-masing mereka juga punya berbagai sanad lain sebagai mengambil berkat, atau boleh jadi juga untuk mendapat ilmu tertentu, atau boleh jadi untuk mendapat futuh juz'iy, atau boleh jadi untuk menyempurnakan suluk, atau boleh jadi untuk mencapai maqam tertentu.

Allah Taala jua yang lebih tinggi dan lebih tahu. Adapun inilah kelemahan dan kedhaifanku, sedikit pengetahuan dan banyak kekuranganku. Maafkan aku duhai para junjunganku, tidaklah pekerjaanku ini melainkan nukilan dari yang terdahulu, tapi teguh keyakinan dan imanku bahawa mereka dan para muridin mereka adalah ahli pelbagai tingkatan di maqam lhsan dan merekalah golongan Al-

Muhsinin yang disebut-sebut dalam ayat-ayat Al-Quranul Karim.

أُولَئِكَ الْأَسْلَافُ فِينَا يُقْتَدَى \* بِهِمْ فَإِنَّهُمْ أَئِمَّةٌ مُهْدَى  
وَكُلُّهُمْ أَجِلَّةٌ الْإِسْلَامِ \* عَلَيْهِمُ الرِّضَى مِنَ الْعَالَمِ

*Merekalah para pendahulu kita  
pada merekalah kita turutkan  
kerana sungguh benar mereka  
para imam sendi tuntunan*

*Mereka semua tinggi kedudukan  
para pembesar agama Islam  
ke atas mereka telah diturunkan  
redho dari yang Maha Ilmuan*





## Bab 20

# ANCAMAN KEPADA PENDUSTA

**A**llahumma Robbana bukanlah pendengaran hati kami untuk berzikir mengingatMu, bukakan bagi kami futeh para ‘arifin, rezekikan kami kemanisan bermunajat denganMu, kami mohon Engkau menerima kami dan kami mohon dapat melihat kekasihMu Saiyidina wa Maulana Ar-Rasul ﷺ.

إِنَّ هَذِهِ تَذْكِرَةٌ فَمَنْ شَاءَ اتَّخَذَ إِلَىٰ رَبِّهِ سَبِيلًا.

*“Sesungguhnya (segala keterangan yang disebutkan) ini, menjadi peringatan; maka siapa yang mahu (kebaikan dirinya) bolehlah dia mengambil jalan yang menyampaikan kepada Allah.”* **Al-Insan: 29**

لِنَجْعَلَهَا لَكُمْ تَذْكِرَةً وَنَعْيَهَا أُنْذُنًا وَعَايَةً.

*“(Kami lakukan yang demikian) untuk Kami jadikan peristiwa itu satu pelajaran bagi kamu, dan untuk didengar serta diambil ingat oleh telinga mereka yang mahu menerima pengajaran.”* **Al-Haaqqah: 12**

فَمَا لَهُمْ عَنِ التَّذْكِرَةِ مُعْرِضِينَ.

“(Kalau demikianlah halnya mereka yang bersalah), maka mengapa mereka berpaling lari dari peringatan?” **Al-Muddatsir: 49**

وَأُنْزِلَ عَلَيْهِمْ نَبَأَ الَّذِي آتَيْنَاهُ آيَاتِنَا فَانْسَلَخَ مِنْهَا فَاتَّبَعَهُ الشَّيْطَانُ فَكَانَ مِنَ الْغَاوِينَ.

“Dan bacakanlah kepada mereka (wahai Muhammad), khabar berita seorang yang Kami beri kepadanya (pengetahuan mengenai) ayat-ayat Kami, kemudian dia menjadikan dirinya terkeluar dari mematuhi, lalu ia diikuti oleh syaitan (dengan godaannya), lalu jadilah dia dari golongan yang sesat.” **Al-A'raaf: 175**

إِنَّ عِبَادِي لَيْسَ لَكَ عَلَيْهِمْ سُلْطَانٌ إِلَّا مَنِ اتَّبَعَكَ مِنَ الْغَاوِينَ.

“Sesungguhnya hamba-hambaKu itu tidaklah ada bagimu sebarang kuasa untuk menyesatkan mereka, kecuali sesiapa yang menurutmu dari orang-orang yang sesat (dengan pilihannya sendiri).” **Al-Hijr: 42**

Jika direnung kalimat لِّلْمُكَذِّبِينَ (mereka yang mendustakan) dalam Al-Quranul Karim kita akan mendapati bahawa ia disebut sebanyak 12 kali dengan bentuk ungkapan serupa dalam tiga buah surah; sekali dalam Surah At-Thur

فَوَيْلٌ لِّیَوْمَئِذٍ لِّلْمُكَذِّبِينَ.

“(Apabila berlaku yang demikian), maka Kecelakaan dan kebinasaanlah pada hari itu bagi mereka yang mendustakan kebenaran...”

Sekali lagi dalam surah Al-Muthoffifin

وَيْلٌ لِّیَوْمَئِذٍ لِّلْمُكَذِّبِينَ.

“Kecelakaan besar pada hari itu, bagi mereka yang mendustakan...”  
dan sepuluh kali dalam surah Al-Mursalat



وَيْلٌ يَوْمَئِذٍ لِلْمُكَذِّبِينَ.

*"Kecelakaan besar pada hari itu, bagi mereka yang mendustakan..."*

Saya mulakan dengan isyarat ini sebagai indikasi bahawa problem manusia yang paling besar adalah pendustaan dan bohong, kerana inilah mereka yang terlibat mendapat ancaman celaka yang amat berat dari Allah Taala. Antara bentuk pendustaan adalah: engkar, sombong, penentangan, membesar diri, degil dan jahat adab (ini semua merupakan sifat-sifat syaitan terkutuk) dan boleh jadi sampai ke tahap membunuh tanpa hak, membakar, memenjara, menyeksa dan menyakiti (Allahumma mohonlah Engkau berlembut, menjaga dan menolong para abdiMu yang solihin).

Bagi mengenal penyakit pendustaan dan mendiagnosis sumber puncanya Allah Taala telah mensifatkan ahlinya dalam beberapa ayat:

فِي قُلُوبِهِمْ مَّرَضٌ فَزَادَهُمُ اللَّهُ مَرَضًا وَلَهُمْ عَذَابٌ أَلِيمٌ بِمَا كَانُوا يَكْذِبُونَ.

*"Dalam hati mereka terdapat penyakit (syak dan hasad dengki), maka Allah tambahkan lagi penyakit itu kepada mereka; dan mereka pula akan beroleh azab seksa yang tidak terperi sakitnya, dengan sebab mereka berdusta (dan mendustakan kebenaran)." Al-Baqarah: 10*

فَدَعَلِمَ إِنَّهُ لَيَحْزَنُكَ الَّذِي يَقُولُونَ فَإِنَّهُمْ لَا يُكَذِّبُونَكَ وَلَكِنَّ الظَّالِمِينَ بِآيَاتِ اللَّهِ يَجْحَدُونَ.

*"Sesungguhnya Kami mengetahui bahawa apa yang mereka katakan itu akan menyebabkan engkau (wahai Muhammad) berdukacita; (maka janganlah engkau berdukacita) kerana sebenarnya mereka bukan mendustakanmu, tetapi orang-orang yang zalim itu mengingkari ayat-ayat keterangan Allah disebabkan kedegilan mereka semata-mata." Al-An`aam: 33*

وَمِنْهُمْ مَّنْ عَاهَدَ اللَّهَ لَئِنْ آتَانَا مِنْ فَضْلِهِ لَنَصَّدَّقَنَّ وَلَنَكُونَنَّ مِنَ الصَّالِحِينَ.  
فَلَمَّا آتَاهُم مِّنْ فَضْلِهِ بَخِلُوا بِهِ وَتَوَلَّوْا وَهُمْ مُّعْرِضُونَ. فَأَعْقَبَهُمْ نِفَاقًا فِي قُلُوبِهِمْ  
إِلَى يَوْمٍ يَلْقَوْنَهُ بِمَا أَخْلَفُوا اللَّهَ مَا وَعَدُوهُ وَبِمَا كَانُوا يَكْذِبُونَ.

“Dan di antara mereka ada yang membuat janji dengan Allah dengan berkata: “Sesungguhnya jika Allah memberi kami dari limpah kurniaNya, tentulah kami akan bersedekah, dan tentulah kami akan menjadi dari golongan yang soleh.” Lalu setelah Allah memberi kepada mereka dari limpah kurniaNya, mereka bakhil dengan pemberian Allah itu, serta mereka membelakangkan janjinya; dan sememangnya mereka orang-orang yang sentiasa membelakangkan (kebajikan). Akibatnya Allah menimbulkan perasaan munafik dalam hati mereka (berkekalan) hingga ke masa mereka menemui Allah, kerana mereka telah memungkiri apa yang mereka janjikan kepada Allah dan juga kerana mereka sentiasa berdusta.” **At-Taubah: 75-77**

بَلِ الَّذِينَ كَفَرُوا يُكْذِبُونَ.

“...(tidak ada satu alasan pun) bahkan mereka yang kafir semata-mata mendustakannya.” **Al-Insyiqaq: 22**

الَّذِينَ يُكْذِبُونَ يَوْمَ الدِّينِ.

“Iaitu mereka yang mendustakan hari pembalasan.” **Al-Muthaffifin:**

11

Sekarang kita beralih kepada topik kali ini yaitu pendustaan terhadap para nabi dan rasul عَلَيْهِمُ الصَّلَاةُ وَالسَّلَامُ serta para awliya Allah as-solihin رِضْوَانُ اللَّهِ عَلَيْهِمْ أَجْمَعِينَ yang merupakan para masyaikh nan kamil. Al-Quranul Karim memaparkan rayuan Saiyidina Musa عَلَيْهِ الصَّلَاةُ وَالسَّلَامُ yang berkata:



قَالَ رَبِّ إِنِّي أَخَافُ أَنْ يُكَذِّبُونِ.

“...Wahai Tuhanku, sesungguhnya aku takut bahawa mereka akan mendustakan daku.” **As-Syuara’: 22**

وَأَخِي هَارُونُ هُوَ أَفْصَحُ مِنِّي لِسَانًا فَأَرْسَلْهُ مَعِيَ رِدْءًا يُصَدِّقُنِي إِنِّي أَخَافُ أَنْ يُكَذِّبُونِ.

“Dan saudaraku Harun, dia lebih fasih lidahnya daripadaku, maka utuslah dia bersama-samaku sebagai penyokong yang mengkaui kebenaranku; sesungguhnya aku bimbang bahawa mereka akan mendustakan daku.” **Al-Qasas: 34**

Namun Allah Taala itu maha mengawasi mereka:

ثُمَّ نُنَجِّي رُسُلَنَا وَالَّذِينَ آمَنُوا كَذَلِكَ حَقًّا عَلَيْنَا نُنَجِّ الْمُؤْمِنِينَ.

“...Kemudian Kami selamatkan Rasul Kami dan mereka yang beriman. Demikianlah ia sebagai kewajipan Kami; Kami selamatkan mereka yang beriman (denganmu).” **Saiyidina Yunus: 103**

فَاسْتَجَبْنَا لَهُ وَنَجَّيْنَاهُ مِنَ الْغَمِّ وَكَذَلِكَ نُنْجِي الْمُؤْمِنِينَ.

“Maka Kami kabulkan doanya, dan Kami selamatkan dia dari kesusahan yang menyelubunginya; dan sebagaimana Kami menyelamatkannya demikianlah Kami akan menyelamatkan mereka yang beriman.” **Al-Anbiya’: 88**

ثُمَّ نُنَجِّي الَّذِينَ اتَّقَوْا وَنَذَرُ الظَّالِمِينَ فِيهَا جِثِيًّا.

“Kemudian Kami akan selamatkan mereka yang bertaqwa, dan Kami akan biarkan golongan zalim (dengan kekufuran dan maksiatnya)

*tinggal berlutut di dalam neraka itu.” Saiyidatina Maryam: 72*

... yang demikian itu kerana Tuhan kita telah berfirman:

إِنَّ اللَّهَ يُدَافِعُ عَنِ الَّذِينَ آمَنُوا.

“Sesungguhnya Allah mempertahankan orang-orang yang beriman...” **Al-Hajj: 38**

وَلَنْ يَجْعَلَ اللَّهُ لِلْكَافِرِينَ عَلَى الْمُؤْمِنِينَ سَبِيلًا.

“...dan tidak sekali-kali Allah akan memberi jalan bagi mereka yang kafir untuk membinasakan kaum mukminin.” **An-Nisa’: 141**

Ku sebutkan mukaddimah ini kerana aku tahu bahawa ahli engkar akan mengingkari apa saja yang datang dari para awliya’; manaqib awliya’, karamah awliya’, kata-kata awliya’, perbuatan awliya’, ibadah awliya’, ilmu awliya’, makrifat awliya’, sirr awliya’, nur awliya’, *fuyudhat* (limpahan rohani) awliya’, *tashrif* (kuasa) awliya’, *tamkin* (ketetapan) awliya’, *redho* awliya’, *mahabbah* awliya’, asyik cinta awliya’, ketenangan awliya’ dan *jazbah* (tarikan) awliya’.

Dalam hal ini Sidna رَحْمَةُ اللهِ عَلَيْه menganjur kaedah: Jika kamu tidak percaya sekalipun janganlah mendustakan. Dan iman yang paling dhaif adalah

وَإِنْ يَكُ كَاذِبًا فَعَلَيْهِ كَذِبُهُ وَإِنْ يَكُ صَادِقًا يُصِيبْكُمْ بَعْضُ الَّذِي يَعِدُكُمْ.

“...kalau dia seorang yang berdusta maka dialah yang akan menanggung dosa dustanya itu, dan kalau dia seorang yang benar nescaya kamu akan ditimpa oleh sebahagian dari (azab) yang dijanjikannya ke atas kamu...” **Ghafir: 28**

Adapun sikap taslim (percaya dan menyerah dalam perkara sebegini) itulah yang lebih menguntungkan dan lebih banyak kebbaikannya



وَمَا أُوتِيتُمْ مِّنَ الْعِلْمِ إِلَّا قَلِيلًا.

“...dan tidaklah kamu diberi ilmu melainkan sedikit jua.” **Al-Isra':**

**85**

Akhir kalam -duhai murid penuju Allah- agar kamu tidak main-main dan tidak dipermainkan mereka:

لَكُمْ دِينُكُمْ وَلِيَ دِينِ.

“Bagimu agamamu dan bagiku agamaku!” **Al-Kafirun: 6**

Di Hari Kiamat nanti akan tahulah kita -Insya Allah- di mana kedudukan kita dengan *jaah* (tuah) Saiyidina wa Maulana Muhammad Rasulullah ﷺ bersama dengan mereka yang kita cintai, ikuti dan tauladani

وُجُوهُ يَوْمٍ مُّسْفَرَةٌ. ضَاحِكَةٌ مُّسْتَبْشِرَةٌ.

“Wajah-wajah (mereka yang beriman) pada hari itu berseri-seri, tertawa, lagi bersuka ria...” **`Abasa: 38-39**

Adapun kamu pula -duhai yang mendustakan- akan tahulah kamu nanti dengan siapa kamu di sana bersama dengan apa yang telah kamu ada-adakan dan kamu ikuti,

وُجُوهُ يَوْمٍ مُّوْجِدٍ عَلَيْهَا غَبَرَةٌ. تَرْهَقُهَا قَتَرَةٌ. أُولَٰئِكَ هُمُ الْكَافِرَةُ الْفَجَرَةُ.

“...dan wajah-wajah (golongan yang engkar) pada hari itu penuh berdebu, diliputi oleh warna hitam legam dan gelap-gelita. Mereka itulah orang-orang kafir lagi derhaka.” **`Abasa: 40-42**

\*\*\* | \*\*\* | \*\*\*

## PENGEMBARAAN SAIYIDINA AS-SYEIKH ABUL HASAN AS-SYAZILI رَحِمَهُ اللهُ

**A**dapun mengenai pengembaraan Saiyidina As-Syazili رَحِمَهُ اللهُ dan perguruannya dengan para masyaikh; sesungguhnya ketika masih anak muda remaja beliau telah berpindah ke Kota Tunis. Beliau mengembara ke pelosok benua timur, banyak kali menunaikan ibadat haji dan telah berziarah ke negeri Iraq.

Kata Saiyidina As-Syazili رَحِمَهُ اللهُ: “Apabila aku masuk ke Iraq bertemulah aku dengan As-Syeikh As-Soleh Abul Fath Al-Wasithi. Tidak pernah ku lihat ada tokoh sekuatnya di Iraq. Waktu itu di Iraq ada ramai masyaikh dan aku mencari wali quthb lagi ghauts رَحِمَهُ اللهُ (yaitu *sohibul waqt* dan khalifah teragung). Maka berkatalah Sidi As-Syeikh Abul Fath kepadaku: “Engkau mencari quthb di Iraq sedangkan dia ada di negerimu (ini adalah kasyaf), kembalilah ke negerimu nescaya engkau akan menemuinya (dan ini pula dari ilmu ladunni yang menunjukkan beliau ahli hadrah).” Maka kembalilah aku ke benua Maghribi lalu mencari dan bertanya hinggalah aku bertemu dengan pendetaku As-Syeikh Al-Wali Al-‘Arif As-Siddiq Al-Quthb Al-Ghauts Sidi wa Maulay Abu Muhammad Abdus Salam bin Masyish As-Syarif Al-Hasani رَحِمَهُ اللهُ.

“Apabila aku mendatangi Saiyidina wa Maulana Abdus Salam رَحِمَهُ اللهُ yang tinggal di pondoknya di puncak gunung (sekarang gunung ini dikenali dengan nama Al-A’lam di selatan Kota Chefchaouen) aku pun mandi di kaki gunung dan keluarlah aku dari ilmu dan amalanku lalu naik mengadap beliau sebagai seorang faqir.

“Sekonyong-konyong aku mendapati beliau sedang turun menuju, apabila melihat aku beliau pun berkata: “Marhaban kepada Ali bin Abdullah bin Abdul Jabbar... beliau telah menuturkan nasabku hingga sampai kepada Saiyidina wa Maulana Muhammad Rasulullah ﷺ, sesudah itu beliau mengujar kepadaku: “Wahai Ali, engkau naik kepada kami sebagai faqir dari ilmu dan amalanmu lalu engkau telah mengambil dari kami kekayaan dunia dan Akhirat,” kata-katanya membuat aku





## Bekalan Murid Ke Jalan Akhirat

rasa dahsyat (takjub dan takut dek kerana kasyafnya). Aku pun duduk bersamanya selama beberapa waktu hinggalah Allah memberi futeh kepada mata hatiku, aku juga telah menyaksikan perkara-perkara menarik adat, keramat dan berbagai lagi yang terbit dari guruku itu.

“Satu hari aku sedang duduk mengadap Saiyidina As-Syeikh Abdus Salam رحمته الله dan di pangkuannya ada seorang anak kecil, lalu terlintas di benakku mahu memohon kepada beliau mengajarkanku akan *Ismullah Al-A'zhom*. Tiba-tiba banggunlah anak kecil itu kepadaku lalu melayangkan dua tangannya ke pangkuanku dan berkata: “Ya saiyidi Abil Hasan, engkau mahu minta Saiyidina As-Syeikh mengajarkanmu *Ismullah Al-A'zhom*?, -Tidak begitu- sebenarnya yang patut ialah engkau menjadi *Ismullah Al-A'zhom*,” (ertinya hendaklah rahsia Allah tersimpan di sanubarimu). Syeikh pun tersenyum lalu berkata: “Si polan telah mewakili kami menjawab persoalanmu,” adapun beliaulah quthb di zamannya.

“Kemudian Syeikh رحمته الله berkata kepadaku: “Wahai Ali, pergilah engkau ke Afrika (Negeri Tunisia), di sana menetaplah engkau di satu tempat bernama Syazilah, sesungguhnya Allah Azza wa Jalla akan menggelarkanmu As-Syazili. Selepas itu engkau akan berpindah ke Kota Tunis dan engkau akan didatangi dugaan dari pihak sultannya, sesudah itu engkau akan berpindah ke benua sebelah timur dan di sanalah nanti engkau akan menerima jawatan wali quthb.”

“Aku berkata kepada syeikh: “Ya saiyidi, berilah wasiat kepada hamba,” maka beliau berkata kepadaku: “Ya Ali, ingatlah Allah... Allah, hati-hatilah dari manusia... Sucikan lisanmu dari menyebut mereka, murnikan hatimu dari condong kepada mereka (menjalin hubungan). Hendaklah engkau menjaga anggotamu, menunaikan segala yang fardhu, maka dengan itu sempurnalah kewalian dari Allah padamu. Janganlah engkau menyebut manusia melainkan atas dasar kewajiban yang telah Allah tetapkan ke atasmu, dengan itu sempurnalah padamu sifat warak. Dan hendaklah engkau berdoa:

اللَّهُمَّ أَرْحِنِي مِنْ ذِكْرِهِمْ وَمِنْ الْعَوَارِضِ مِنْ قِبَلِهِمْ وَنَجِّنِي مِنْ شَرِّهِمْ وَأَغْنِنِي بِخَيْرِكَ عَنْ خَيْرِهِمْ وَتَوَلَّنِي بِالْخُصُوصِيَّةِ مِنْ بَيْنِهِمْ إِنَّكَ عَلَى كُلِّ شَيْءٍ قَدِيرٌ.

*“Ya Allah, rehatkanlah aku dari mengingat manusia dan lepaskan aku dari halangan yang datang dari pihak mereka, selamatkan aku dari kejahatan mereka, kayakan aku dengan kebaikanMu dari kebaikan mereka, istimewa kanlah aku dengan bimbinganMu dari mereka, sesungguhnya Engkau Maha Kuasa atas segalanya.”*

Kata Saiyidina As-Syazili رَحِمَهُ اللهُ: “Waktu masuk ke Tunisia umurku masih muda remaja. Masa itu aku mendapati bencana kebuluran amat teruk; ramai orang mati di pasar-pasar. Maka berkatalah aku di dalam hati: “Kalaulah ada padaku sesuatu yang dapat ku belikan roti untuk orang-orang kelaparan itu sudah tentu akan ku lakukan,” lalu kedengaran di dalam batinku suara berkata: “Ambillah apa yang ada di dalam poketmu,” aku pun menggoncang poketku lalu tiba-tiba ku dapati di dalamnya ada kepingan wang dirham. Maka pergilah aku kepada pekedai roti di Gerbang Al-Fanarah lantas berkata padanya: “Kiralah berapa keping rotimu,” dia mengiranya untukku lalu roti-roti itu aku berikan kepada orang ramai maka berasak-asaklah mereka merebutnya.

“Kemudian aku mengeluarkan kepingan dirham tadi lantas memberinya kepada tukang roti, namun dia berkata kepadaku: “Ini palsu, ini dirham tiruan, kamu orang Maghribi memang pandai ilmu kimia, tipu daya dan sihir!” Kata Saiyidina As-Syazili: “Aku pun memberi pakaianku; jubah burnus dan serban sebagai cagaran atas harga roti kepadanya, kemudian pergilah aku ke arah pintu gerbang. Di pintu itu ada seorang lelaki berdiri, dia berkata padaku: “Wahai Ali, mana wang dirham itu?” aku pun memberikan kepadanya dan dia pula menggoncang dirham itu dalam tangannya lantas mengembalikannya padaku seraya berkata: “Berilah ia pada pekedai roti, sungguh sekarang wang ini asli (ini dari bab *al-qudrah*),” aku pun pergilah membayarkannya kepada si penjual roti, dia berkata kepadaku: “Benar! Yang ini wang asli,” dia mengembalikan pakaian dan barang-barangku, kemudian aku pun



## Bekalan Murid Ke Jalan Akhirat

mahu mencari lelaki tadi namun tidak ku temui dia.

“Maka tinggallah aku kebingungan hinggalah sampai hari Jumaat lalu pergilah aku ke Masjid Jami’ Az-Zaitunah dan duduk di ruang solat sebelah timur. Aku menunaikan solat tahiyyatul masjid, apabila memberi salam aku dapati lelaki itu ada di sebelah kananku. Aku pun menyalaminya dan dia tersenyum padaku seraya berkata: “Ya Ali, katamu “...kalau aku punya apa yang boleh ku beri makan kepada orang kebuluran nescaya akan ku lakukan.” Engkau mahu mengatasi kemurahan Allah yang Maha Pemurah atas makhlukNya?! Kalau Allah mahu pasti Dia akan mengenyangkan mereka dan Dia lebih mengetahui maslahat mereka darimu.”

Maka kataku: “Ya saiyidi, demi Allah siapakah dirimu?” maka dijawabnya: “Akulah Ahmad Al-Khidir. Mulanya aku berada di negeri Cina, lalu dikatakan kepadaku pergilah mendapatkan seorang waliKu bernama Ali di Tunisia. Maka bersegeralah aku mendatangiMu.” Apabila sudah selesai solat Jumaat aku mencarinya namun tidak ketemu.”

Dihikayatkan dari Saiyidina As-Syazili رحمته الله bahawa beliau berkata: “Waktu masuknya aku ke Tunisia di mula perjalananku, aku telah pergi menemui beberapa masyaikh di sana kerana ada sesuatu yang terbuku di dalam diri ingin ku tanyakan kalau ada di kalangan mereka yang boleh merungkai dan memberi penjelasannya kepadaku. Aku tak menemui yang dapat memberi penjelasan hal itu hinggalah aku ketemu Sidi As-Syeikh Abu Saeed Al-Baji رحمته الله, maka beliau telah mengkhobar kepadaku akan hal diriku sebelum aku menceritakannya, beliau berbicara tentang rahsia batinku maka tahulah aku bahawa beliau itu wali Allah lalu aku pun duduk mendampinginya dan banyaklah manfaat yang ku perolehi darinya.”

Lagi kata Saiyidina As-Syazili رحمته الله: “Pada peringkat awalku aku menuntut ilmu kimia -yang dinamakan ilmu hikmah di belahan Maghribi-(menggunakan alam rendah) dan aku berdoa memintanya kepada Allah, lalu ada suara berkata kepadaku: “Kimia itu ada pada kencingmu; kencinglah pada apa-apa nescaya ia kan menjadi seperti yang engkau mahu.” Aku pun memanaskan kepala kapak lalu kencing di atasnya

maka bertukarlah ia menjadi emas. Aku kembali kepada kewarasan akalku, lalu berkata: “Ya Tuhanku, hamba bermohon kepadaMu meminta sesuatu maka tiada hamba mencapainya melainkan dengan cemar dan pertukaran najis jua,” lalu dikatakan kepadaku: “Ya Ali, ada pun dunia itu cemar, jika engkau menuntut yang cemar maka tiadalah engkau mencapainya melainkan dengan yang cemar jua,” maka aku pun berkata: “Wahai Tuhanku, pisahkanlah hamba darinya,” lalu dikatakan kepadaku: “Panaskanlah kapak itu nescaya ia kembali menjadi besi.”

Lagi kata Saiyidina As-Syazili رَحِمَهُ اللهُ تَعَالَى: “Dalam satu pengembaraan aku bermalam di satu tempat yang banyak binatang buas. Maka ada beberapa ekor yang mula menderamkan suaranya kepadaku. Aku lantas duduk di tempat tinggi, kataku pada diriku: “Demi Allah aku akan berselawat ke atas junjungan Saiyidina wa Maulana Muhammad Rasulullah ﷺ kerana sesungguhnya Baginda telah bersabda:

مَنْ صَلَّى عَلَيَّ صَلَاةً صَلَّى اللَّهُ عَلَيْهِ بِهَا عَشْرًا.

*“Barangsiapa berselawat keatasku sekali nescaya Allah akan berselawat keatasnya sepuluh kali,”*

...jika Allah Tabaroka wa Taala berselawat ke atasku sepuluh kali nescaya aku bermalam di bawah lindungan Allah.” Maka aku pun berselawat dan tidaklah aku merasa takut apa-apa. Apabila masuk waktu *sahar* (lihatlah para awliya’, di peringkat awal mereka tidak meninggalkan waktu pertiga malam terakhir atau tengah malam) aku pun pergi ke anak sungai untuk berwudhu’ solat subuh, rupa-rupanya ada kawanan burung *hajl* (burung partridge) dekat dengan anak sungai yang terbang secara tiba-tiba dan bunyi kepakannya yang kuat membuat aku takut hingga aku berpatah balik ke belakang. Lalu kedengaran suara di dalam batinku (lihatlah awliya’, dari peringkat awal lagi mereka beroleh inayah dan ri`ayah) berkata: “Wahai Ali! Malam tadi ketika engkau tidur dengan (yakin pada) Allah deraman binatang buas tidak menakutkanmu, pagi ini bila engkau bangun



## Bekalan Murid Ke Jalan Akhirat

dengan dirimu sendiri suara dari bulu burung hajl membuat engkau jadi takut.”


Lagi kata Saiyidina As-Syazili رَحِمَهُ اللهُ تَعَالَى: “Dalam satu pengembaraan (lihatlah awliya’, pada permulaan mereka lagi mereka lari menjauhkan diri dari manusia ramai dan amat kuat mujahadah mereka) aku menuju ke sebuah gua di gunung untuk bermalam, lalu kedengaran padaku di situ seperti ada seorang lelaki. Maka kataku pada diri: “Demi Allah aku takkan mengganggunya pada malam ini,” maka tidurlah aku di mulut gua. Apabila waktu *sahar* (pertiga malam terakhir) aku mendengar suara lelaki itu berdoa:

اللَّهُمَّ إِنَّ قَوْمًا سَأَلُواكَ إِقْبَالَ الْخَلْقِ عَلَيْهِمْ وَتَسْخِيرَهُمْ لَهُمْ. اللَّهُمَّ إِنِّي أَسْأَلُكَ  
إِعْرَاضَهُمْ عَنِّي وَاعْوِجَاجَهُمْ عَلَيَّ حَتَّى لَا يَكُونُوا لِي مَلَجًا إِلَّا إِلَيْكَ.

*“Allahumma sesungguhnya ada kaum yang meminta padaMu agar makhluk mendatangi mereka dan tunduk menurut kemahuan mereka. Ya Allah sesungguhnya hamba bermohon padaMu agar makhluk berpaling dan enggan dari hamba supaya tiada hamba mengadu kepada selainMu.”*

Kemudian lelaki itu keluar dari gua dan aku mendapati rupanya dia syeikhku.

Aku berkata kepadanya: “Ya saiyidi, semalam hamba dengar tuan berdoa beginian-begian,” maka kata beliau: “Wahai Ali, sesungguhnya yang baik ialah kamu pinta dariNya: Ya Tuhan berpihaklah kepadaku, jangan kau pinta: tundukkan hati para makhlukMu kepadaku. Jika Allah berpihak kepadamu sesungguhnya engkau telah beroleh segalanya (ini dari bab pengajaran seorang syeikh kamil kepada muridnya yang sejati tentang kejujuran dalam `ubdiyyah kepada Allah Subhanahu wa Taala).”



## Bab 20

# HUKUM MERAYAKAN MAULID

خُذْ مِنْ أَمْوَالِهِمْ صَدَقَةً تُطَهِّرُهُمْ وَتُزَكِّيهِمْ بِهَا وَصَلِّ عَلَيْهِمْ إِنَّ صَلَاتَكَ سَكَنٌ  
لَهُمْ وَاللَّهُ سَمِيعٌ عَلِيمٌ. أَلَمْ يَعْلَمُوا أَنَّ اللَّهَ هُوَ يَقْبَلُ التَّوْبَةَ عَنْ عِبَادِهِ وَيَأْخُذُ  
الصَّدَقَاتِ وَأَنَّ اللَّهَ هُوَ التَّوَّابُ الرَّحِيمُ. وَقُلِ اعْمَلُوا فَسَيَرَى اللَّهُ عَمَلَكُمْ  
وَرَسُولُهُ وَالْمُؤْمِنُونَ وَسَتُرَدُّونَ إِلَى عَالِمِ الْغَيْبِ وَالشَّهَادَةِ فَيُنَبِّئُكُمْ بِمَا كُنتُمْ  
تَعْمَلُونَ. وَآخَرُونَ مُرْجُونَ لَأَمْرِ اللَّهِ إِمَّا يُعَذِّبُهُمْ وَإِمَّا يَتُوبُ عَلَيْهِمْ وَاللَّهُ عَلِيمٌ  
حَكِيمٌ.

*“Ambilah (sebahagian) dari harta mereka menjadi sedekah, supaya dengannya engkau membersihkan mereka (dari dosa) dan mensucikan mereka (dari akhlak yang buruk); dan doakanlah untuk mereka, kerana sesungguhnya doamu itu menjadi ketenteraman bagi mereka. Dan (ingatlah) Allah Maha Mendengar, lagi Maha Mengetahui.*

*Tidakkah mereka mengetahui bahawa Allah Dia lah yang menerima taubat dari hamba-hambaNya, dan juga menerima sedekah-sedekah (dan zakat serta membalasnya), dan bahawa sesungguhnya Allah Dia lah Penerima Taubat, lagi Maha Mengasihani?*



*Dan Katakanlah (wahai Muhammad): “Beramallah kamu (akan segala yang diperintahkan), maka Allah dan RasulNya serta orang-orang yang beriman akan melihat apa yang kamu kerjakan; dan kamu akan dikembalikan kepada (Allah) yang mengetahui perkara-perkara yang ghaib dan yang nyata, kemudian Dia menerangkan kepada kamu apa yang kamu telah kerjakan.”*

*Dan segolongan yang lain (dari orang-orang yang tidak turut berperang); ditempoikkan keputusan mengenai mereka kerana menunggu perintah Allah; sama ada Dia mengazabkan mereka ataupun Dia menerima taubat mereka. Dan (ingatlah) Allah Maha Mengetahui, lagi Maha Bijaksana.” At-Taubah: 103-106*

**A**yat-ayat tadi mengandungi beberapa pelajaran, isyarat, idea dan silibus kepada golongan muridin dan muridat. Kepada Allah yang Maha Berbudi jua kita pohonkan kefahaman yang tepat dan pelaksanaan yang lurus.

Sidna Abdun Nasir رحمته الله berkata waktu beliau ditanya tentang hukum merayakan maulid junjungan Saiyidina wa Maulana Muhammad Rasulullah صلوات الله عليه; ujar beliau رحمته الله: “Cukuplah wahai anakku engkau berdalil dari Al-Quranul Karim. Bukalah juzu’ yang ke 16, pada hizbnya yang pertengahan (31), Surah Saiyidatina Maryam عَلَيْهَا السَّلَامُ (surah yang ke 19) dan bacalah dari ayat 16 hingga 36:

وَاذْكُرْ فِي الْكِتَابِ مَرْيَمَ إِذِ انْتَبَذَتْ مِنْ أَهْلِهَا مَكَانًا شَرْقِيًّا (١٦) فَاتَّخَذَتْ مِنْ دُونِهِمْ حِجَابًا فَأَرْسَلْنَا إِلَيْهَا رُوحَنَا فَتَمَثَّلَ لَهَا بَشَرًا سَوِيًّا (١٧) قَالَتْ إِنِّي أَعُوذُ بِالرَّحْمَنِ مِنْكَ إِنْ كُنْتَ تَقِيًّا (١٨) قَالَ إِنَّمَا أَنَا رَسُولُ رَبِّكِ لِأَهَبَ لَكِ غُلَامًا زَكِيًّا (١٩) قَالَتْ أَنَّى يَكُونُ لِي غُلَامٌ وَلَمْ يَمْسَسْنِي بَشَرٌ وَلَمْ أَكْ بَغِيًّا (٢٠) قَالَ كَذَلِكَ قَالَ رَبُّكَ هُوَ عَلَيَّ هَيِّنٌ وَلِنَجْعَلَهُ آيَةً لِلنَّاسِ وَرَحْمَةً مِنَّا وَكَانَ

أَمْرًا مَّقْضِيًّا (٢١) فَحَمَلَتْهُ فَانْتَبَذَتْ بِهِ مَكَانًا قَصِيًّا (٢٢) فَأَجَاءَهَا الْمَخَاضُ  
 إِلَى جَنْعِ النَّخْلَةِ قَالَتْ يَا لَيْتَنِي مِتُّ قَبْلَ هَذَا وَكُنْتُ نَسِيًّا مَّنْسِيًّا (٢٣) فَنَادَاهَا  
 مِنْ تَحْتِهَا أَلَّا تَحْزَنِي قَدْ جَعَلَ رَبُّكِ تَحْتَكِ سَرِيًّا (٢٤) وَهَزِي إِلَيْكِ بِجِذْعِ  
 النَّخْلَةِ تُسَاقِطُ عَلَيْكَ رُطْبًا غَنِيًّا (٢٥) فَكُلِي وَاشْرَبِي وَقَرِّي عَيْنًا فَإِمَّا تَرِينَ مِنَ  
 الْبَشَرِ أَحَدًا فَقُولِي إِنَّي نَذَرْتُ لِلرَّحْمَنِ صَوْمًا فَلَنْ أُكَلِّمَ الْيَوْمَ إِنْسِيًّا (٢٦) فَاتَتْ  
 بِهِ قَوْمَهَا تَحْمِلُهُ قَالُوا يَا مَرْيَمُ لَقَدْ جِئْتِ شَيْئًا فَرِيًّا (٢٧) يَا أُخْتَ هَارُونَ مَا  
 كَانَ أَبُوكِ امْرَأَ سَوْءٍ وَمَا كَانَتْ أُمُّكِ بَغِيًّا (٢٨) فَأَشَارَتْ إِلَيْهِ قَالُوا كَيْفَ نُكَلِّمُ  
 مَنْ كَانَ فِي الْأُمْتِدِ صَبِيًّا (٢٩) قَالَ إِنَّي عَبْدُ اللَّهِ أَتَانِي الْكِتَابُ وَجَعَلَنِي نَبِيًّا (٣٠)  
 وَجَعَلَنِي مُبَارَكًا أَيْنَ مَا كُنْتُ وَأَوْصَانِي بِالصَّلَاةِ وَالزَّكَاةِ مَا دُمْتُ حَيًّا (٣١) وَبَرًّا  
 بِوَالِدَتِي وَلَمْ يَجْعَلْنِي جَبَّارًا شَقِيًّا (٣٢) وَالسَّلَامُ عَلَيَّ يَوْمَ وُلِدْتُ وَيَوْمَ أَمُوتُ  
 وَيَوْمَ أُبْعَثُ حَيًّا (٣٣) ذَلِكَ عِيسَى ابْنُ مَرْيَمَ قَوْلَ الْحَقِّ الَّذِي فِيهِ يَمْتَرُونَ  
 (٣٤) مَا كَانَ لِلَّهِ أَنْ يَتَّخِذَ مِنْ وَلَدٍ سُبْحَانَهُ إِذَا قَضَىٰ أَمْرًا فَإِنَّمَا يَقُولُ لَهُ كُنْ فَيَكُونُ  
 (٣٥) وَإِنَّ اللَّهَ رَبِّي وَرَبُّكُمْ فَاعْبُدُوهُ هَذَا صِرَاطٌ مُسْتَقِيمٌ (٣٦)

16. Dan bacakanlah (ya Muhammad) di dalam Kitab Al-Quran ini perihal Maryam, ketika dia memencilkan diri dari keluarganya di sebuah tempat sebelah timur.

17. Kemudian Maryam membuat dinding untuk melindungi dirinya dari mereka maka Kami hantarkan kepadanya roh dari Kami lalu ia menyamar diri kepadanya sebagai seorang lelaki yang sempurna bentuk kejadiannya.

18. Maryam berkata: “Sesungguhnya aku berindung kepada (Allah) Ar-Rahman daripada (gangguan)mu kalaulah engkau





*seorang yang bertaqwa."*

19. *Dia berkata: "Sesungguhnya aku pesuruh Tuhanmu, untuk menyebabkanmu dikurniakan seorang anak yang suci."*

20. *Maryam bertanya (dengan cemas): "Bagaimanakah aku akan beroleh seorang anak lelaki, padahal aku tidak pernah disentuh oleh seorang lelaki pun, dan aku pula bukan perempuan jahat?!"*

21. *Dia menjawab: "Demikianlah keadaannya tak usahlah dihairankan; Tuhanmu berfirman: "Hal itu mudah bagiKu; dan Kami hendak menjadikan pemberian anak itu sebagai satu tanda (yang membuktikan kekuasaan Kami) untuk umat manusia dan sebagai satu rahmat dari Kami; dan hal itu adalah satu perkara yang telah ditetapkan berlakunya.*

22. *Maka Maryam pun hamillah, lalu dia memencilkan diri dengan kandungannya itu ke satu tempat yang jauh.*

23. *(Ketika dia hendak bersalin) maka sakit beranak itu memaksanya (pergi bersandar) ke pangkal sebatang pohon tamar; dia berkata: "Alangkah baiknya kalau aku mati sebelum ini dan menjadilah aku sesuatu yang dilupakan orang dan tidak dikenang-kenang!"*

24. *Lalu dia diseru dari sebelah bawahnya: "Janganlah engkau berdukacita (wahai Maryam), sesungguhnya Tuhanmu telah menjadikan di bawahmu sebatang anak sungai.*

25. *Dan gegarlah ke arahmu batang pohon tamar itu, supaya gugur kepadamu buah tamar yang masak.*

26. *Maka makanlah dan minumlah serta bertenanglah hati dari segala yang merunsingkan. Kemudian kalau engkau melihat seseorang manusia (datang menyanyimu), maka katakanlah: "Sesungguhnya aku bernazar diam membisu kerana (Allah) Ar-Rahman; (setelah aku menyatakan yang demikian) maka aku tidak akan berkata-kata kepada sesiapa pun dari kalangan manusia pada hari ini."*

27. Kemudian baliklah dia kepada kaumnya dengan mendokong anaknya. Mereka pun menempelaknya dengan berkata: "Wahai Maryam! Sesungguhnya engkau telah melakukan suatu perkara yang besar salahnya!

28. "Wahai saudara perempuan Harun, bapamu bukanlah seorang yang buruk akhlaknya, dan ibumu pula bukanlah seorang perempuan jahat!"

29. Maka Maryam segera menunjuk kepada anaknya. Mereka berkata (dengan hairannya): "Bagaimana kami boleh berkata-kata dengan seorang yang masih kanak-kanak dalam buaian?"

30. Dia (Isa) menjawab: "Sesungguhnya aku ini hamba Allah; Dia telah memberikan kepadaku Kitab (Injil), dan Dia telah menjadikan daku seorang Nabi.

31. dan Dia menjadikan daku seorang yang berkat di mana sahaja aku berada, dan diperintahkan daku mengerjakan solat dan memberi zakat selagi aku hidup.

32. Serta (diperintahkan daku) taat dan berbuat baik kepada ibuku, dan Dia tidak menjadikan daku seorang yang sombong takbur atau derhaka.

33. Dan segala keselamatan serta kesejahteraan dilimpahkan kepadaku pada hari aku diperanakan dan pada hari kematianku, serta pada hari aku dibangkitkan hidup semula (pada hari kiamat)."

34. Yang demikian sifat-sifatnya itulah Isa Ibni Maryam. Keterangan yang tersebut ialah keterangan yang sebenar-benarnya, yang mereka ragu-ragu dan berselisihan padanya.

35. Tiadalah layak bagi Allah mempunyai anak. Maha Sucilah Dia. Apabila menetapkan jadinya sesuatu perkara, maka hanyalah Dia berfirman kepadanya: "Jadilah engkau," lalu menjadilah ia.

36. Dan sesungguhnya Allah ialah Tuhanku dan Tuhan kamu maka



*sembahlah kamu akan Dia, inilah jalan yang betul - lurus."*

**Surah Saiyidatina Maryam عَلَيْهِهَا السَّلَامُ ayat 16 hingga 36.**

Sidna ﷺ mengujar: "Wahai anakku! Allah Tabaroka wa Taala yang Maha Esa lagi Tunggal telah merayakan maulid (kelahiran) Saiyidina Isa عَلَيْهِ الصَّلَاةُ وَالسَّلَامُ dan menyebut mengenainya di dalam Al-Quranul Karim dengan rinci, lagi Allah memerintahkan kita membaca Al-Quran setiap ahwal dan waktu. Maknanya kita semua merayakan maulid baginda ini عَلَيْهِ الصَّلَاةُ وَالسَّلَامُ tikamana kita membaca Al-Quranul Karim." Mohonlah tuan puan sekalian mengambil kefahaman dan pencerahan dari apa saja yang ada dalam Al-Quranul Karim.

Lalu bagaimana pula kita tidak merayakan dan bagaimana pula kita tidak menyebut-nyebut junjungan Baginda ﷺ yang merupakan Nabi terafdhal, rasul teragung, imam para muttaqin dan solihin, penghulu sekalian manusia, lagi Baginda itu cinta kita, kekasih kita dan pensyafaat kita Saiyidina wa Maulana Muhammad ﷺ dalam tiap hal dan waktu.

Begitu juga bagi yang punya hati sejahtera; satu ayat ini saja sudah cukup baginya untuk menjadi dalil yang lengkap lagi sempurna dan meliputi:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ آمَنُوا صَلُّوا عَلَيْهِ وَسَلِّمُوا تَسْلِيمًا.

*"Sesungguhnya Allah dan para malaikatNya (terus) berselawat ke atas Nabi, maka wahai mereka yang beriman hendaklah kamu berselawat ke atas Baginda dan ucapkanlah salam akan sebagai salam yang sempurna."* **Al-Ahzaab: 56**

Apakah ada yang lebih agung dari perayaan ini?! Allah Subhanahu wa Taala sendiri yang menyebutnya.

Tidak cukupkah bagimu dengan dalil ini yang begitu besar, agung, mulia lagi penuh kasih dan cinta?

Saya mohon kepada semua untuk memahami, untuk beramal, untuk berzikir dan berselawat ke atas Baginda beserta salam yang sebanyak-banyaknya hingga mencapai syurga dan nikmat Ilahi. Allahumma Robbana kami pohonkan itu untuk kami sekalian. Amin ya Robbal Alamin.



## Bab 22

# TENTANG BAI`AH & KEDUDUKAN SAYIDINA ABU BAKAR رَضِيَ اللَّهُ عَنْهُ

إِنَّ الَّذِينَ يُبَايِعُونَكَ إِنَّمَا يُبَايِعُونَ اللَّهَ يَدُ اللَّهِ فَوْقَ أَيْدِيهِمْ فَمَنْ نَكَثَ فَإِنَّمَا يَنْكُثُ  
عَلَى نَفْسِهِ وَمَنْ أَوْفَى بِمَا عَاهَدَ عَلَيْهِ اللَّهُ فَسَيُؤْتِيهِ أَجْرًا عَظِيمًا.

“Sesungguhnya mereka yang berbai`ah (memberi pengkauan taat setia) kepadamu (ya Muhammad), mereka dengan sesungguhnya memberikan pengkauan taat setia kepada Allah; Allah mengawasi keadaan mereka memberikan taat setia itu (untuk menggajarnya). Oleh itu, sesiapa yang tidak menyempurnakan janji setianya maka bahaya tidak menyempurnakan itu hanya menimpa dirinya; dan sesiapa yang menyempurnakan apa yang telah dijanjikannya kepada Allah, maka Allah akan memberi kepadanya pahala yang besar.” **Al-Fath: 10**

لَقَدْ رَضِيَ اللَّهُ عَنِ الْمُؤْمِنِينَ إِذْ يُبَايِعُونَكَ تَحْتَ الشَّجَرَةِ فَعَلِمَ مَا فِي قُلُوبِهِمْ  
فَأَنْزَلَ السَّكِينَةَ عَلَيْهِمْ وَأَثَابَهُمْ فَتْحًا قَرِيبًا.

“Demi sesungguhnya Allah telah redho akan orang-orang yang beriman, ketika mereka berbai`ah (memberikan pengkauan taat

setia) kepadamu (ya Muhammad) di bawah naungan pohon (yang termaklum di Hudaibiyah); maka (dengan itu) ternyata apa yang sedia diketahuiNya tentang (kebenaran iman dan taat setia) yang ada dalam hati mereka, lalu Dia menurunkan semangat tenang tenteram kepada mereka, dan membalas mereka dengan kemenangan yang dekat masa datangnya.” **Al-Fath: 18**

Dua ayat tadi bernombor 10 dan 18 ada pada permulaan hizb yang ke 52, dalam surah Al-Fath yang terletak di juzu' yang ke 26 (surah yang ke 48).

يَا أَيُّهَا النَّبِيُّ إِذَا جَاءَكَ الْمُؤْمِنَاتُ يُبَايِعْنَكَ عَلَى أَنْ لَا يُشْرِكْنَ بِاللَّهِ شَيْئًا وَلَا يَسْرِقْنَ  
وَلَا يَزْنِينَ وَلَا يَقْتُلْنَ أَوْ لَا دُهْنَ وَلَا يَأْتِينَ بِيْهْتَانٍ يُفْتَرِيْنَ بَيْنَ أَيْدِيْهِنَّ وَأَرْجُلِهِنَّ وَلَا  
يَعْصِيْنَكَ فِيْ مَعْرُوفٍ فَبَايِعْهُنَّ وَاسْتَغْفِرْ لَهُنَّ اللَّهُ إِنَّ اللَّهَ غَفُورٌ رَّحِيمٌ.

“Wahai Nabi! Apabila para wanita beriman datang kepadamu untuk berbai`ah (memberi pengkauan taat setia) bahawa mereka tidak akan melakukan syirik kepada Allah dengan sesuatu apa pun, dan mereka tidak akan mencuri, dan mereka tidak akan berzina, dan mereka tidak akan membunuh anak-anaknya, dan mereka tidak akan melakukan sesuatu perkara dusta yang mereka ada-adakan dari kemahuan hati mereka, dan mereka tidak akan menderhaka kepadamu dalam sesuatu perkara yang baik, - maka terimalah pengkauan taat setia mereka dan pohonkanlah kepada Allah mengampuni dosa mereka; sesungguhnya Allah Maha Pengampun lagi Maha Mengasihani” **Al-Mumtahinah: 12**

Ayat ini pula disebut dalam Surah Al-Mumtahinah, juzu' 28 dan tertib surah ini yang ke 60 dari 114 surah. Sedia maklum bahawa Al-Quranul Karim mengandungi 114 surah, 30 juzu' dan 60 hizb.

Tiga ayat Al-Quran ini dinamakan sebagai ayat-ayat bai`ah (sumpah setia) yang telah termeterai antara Saiyidina wa Maulana Muhammad Rasulullah ﷺ dengan para sahabatnya yang lelaki dan



wanita رِضْوَانُ اللَّهِ عَلَيْهِمْ أَجْمَعِينَ. Saya datangkan ayat-ayat ini dalam artikel kita sekarang kerana dua sebab:

**Pertama:** Sesungguhnya Saiyidina wa Maulana Muhammad ﷺ telah membai`ah para sahabat wanita رِضْوَانُ اللَّهِ عَلَيْهِمْ أَجْمَعِينَ. Allah Subhanahu wa Taala juga telah mengistimewakan para sahabat wanita dan menyebut bai`ah mereka di dalam Al-Quranul Karim dengan perinciannya. Ini adalah penghormatan besar dan kemuliaan agung buat semua wanita. Bai`ah mereka yang terdiri dari enam rukun ini amat jelas bak terangnya matahari dan ia amat mudah bagi tiap wanita mulia dan merdeka.

Maka dusta dan mereka-reka ceritalah orang yang berkata bahawa Islam menzalimi wanita. Tidak, bahkan Islam telah memuliakan wanita dan mengistimewakannya, Islam telah melebihkan kaum Hawa, meninggi lagi mendampingkan dan memendekkan jalan bagi mereka untuk wushul (sampai) kepada Allah Subhanahu wa Taala.

Dapat diperhatikan di zaman sekarang bahawa seorang wanita itu berperanan besar dan peranannya menjadi lebih besar kerana dialah yang mengambil berat tentang ahli keluarganya dan dialah yang menghadirkan mereka ke majlis-majlis zikir. Alhamdulillah yang telah menjadikan kita ahli zikir.

**Sebab kedua** pula ialah ketika saya dalam satu lawatan ke sebuah negara dan bertemu seorang syeikh di sana saya dapati beliau mengaitkan antara bai`ah politik dengan bai`ah tareqat yang dilakukan oleh golongan sufi, lalu beliau merasa amat bimbang.

Saya pun berkata kepadanya seperti yang telah saya dengar dari Sidna As-Syeikh رحمه الله: “la tidak ada hubungan dengan bai`ah (ikrar taat setia) kepada pihak pemerintah, ikrar taat setia kepada pemerintah adalah wajib kerana kita adalah warga negara ini. Keselamatan dan keamanan adalah amat penting dan semua orang bertanggungjawab menjaganya, [maka dari itu wajiblah bagi setiap warga berbai`ah (berikrar) untuk taat setia kepada negara].

“Itu tidak ada hubungannya dengan bai`ah dalam menempuh

perjalanan dan suluk tarbiyyah di jalan Akhirat (jalan menuju Allah). Bai`ah ini adalah satu terminologi yang sedia diketahui lagi masyhur dalam kalangan sufi sejak lebih seribu tahun yang lampau. Tidak ada hubungan jauh atau dekat antara bai`ah ini dengan soal politik sama sekali.”

Sidna رَضِيَ اللَّهُ عَنْهُ وَأَرْضَاهُ seterusnya menghimbau: “Demi mengelak dari berlakunya pertembungan sebegini dan dari serangan ganas tak berperikemanusiaan dari ahli engkar/golongan anti Tasawuf Islami lagi Sunni, wajiblah bagi kita kaum sufi untuk tidak lagi menyebut-nyebut istilah bai`ah. Kita gantikan dengan istilah *talqin*, atau *toriq* atau *musyabakah* atau *musofahah* yang semua itu memberi makna ijazah untuk membaca/mengamalkan segala wirid dan hizib khas bagi suatu tareqat.”

Mendengarkan ini syeikh tersebut jadi amat gembira lalu berkata: “Sekarang kita telah meruntuhkan apa yang dibina oleh golongan ahli engkar yang anti kepada Tasawuf Islami lagi Sunni; mereka itu tiada tujuan selain menghapuskan Tasawuf; hari ini dengan alasan bai`ah, esok dengan alasan lain pula, dan setiap hari mereka mencipta alasan baru, khususnya apabila mereka mengaitkan permusuhan terhadap Tasawuf dengan kuasa politik dan pihak pemerintah. Dari dahulu lagi mereka telah melakukan berbagai tindakan dan banyak cakap, namun semuanya tipu dan dusta. Ini jelas dapat dilihat oleh siapa yang istikharah kepada Allah Tabaroka wa Taala dan memohon kefahaman dariNya yang maha memberi rezeki lagi benar-benar amat memberi rezeki.”

Saya pun mengujar kepada syeikh itu: “Perkara ini juga janganlah Tuan bimbangkan. Saya telah banyak kali mendengar Sidna رَضِيَ اللَّهُ عَنْهُ mengulangi katanya di berbagai pertemuan: “Wahai murid penuju Allah! Ceraikanlah politik dengan talak tiga kemudian barulah datang kepadaku untuk ku beri tareqat padamu.”

يُرِيدُونَ أَنْ يُطْفِئُوا نُورَ اللَّهِ بِأَفْوَاهِهِمْ وَيَأْبَى اللَّهُ إِلَّا أَنْ يُنِيرَ نُّورَهُ وَلَوْ كَرِهَ  
الْكَافِرُونَ.





*“Mereka hendak memadamkan cahaya Allah dengan mulut mereka, sedang Allah tidak menghendaki melainkan menyempurnakan cahayaNya sekalipun orang-orang kafir tidak suka (akan yang demikian).” At-Taubah: 32*

يُرِيدُونَ لِيُطْفِئُوا نُورَ اللَّهِ بِأَفْوَاهِهِمْ وَاللَّهُ مُتِمُّ نُورِهِ وَلَوْ كَرِهَ الْكَافِرُونَ.

*“Mereka sentiasa berusaha hendak memadamkan cahaya Allah dengan mulut mereka, sedang Allah tetap menyempurnakan cahayaNya, sekalipun orang-orang kafir tidak suka (akan yang demikian).” As-Soff: 8*

Seterusnya marilah kita memohonkan hujan kerahmatan dan kasih junjungan mulia Saiyidina wa Maulana Muhammad ﷺ kepada As-Siddiq yang teragung Saiyidina Abu Bakar As-Siddiq رَضِيَ اللَّهُ عَنْهُ وَأَرْضَاهُ, moga Allah mengurnia kita manfaat beliau dan seluruh sahabat رِضْوَانُ اللَّهِ عَلَيْهِمْ أَجْمَعِينَ.

Pernah orang berkata kepada Saiyidina Umar Ibnu Khattab رَضِيَ اللَّهُ عَنْهُ: “Ceritakanlah pada kami darihal sa’atil ‘usrah (saat getir Perang Tabuk),” maka berceritalah Saiyidina Umar رَضِيَ اللَّهُ عَنْهُ:

“Kami keluar menuju Tabuk waktu musim panas membahang. Dalam satu perhentian kehausan yang amat sangat menimpa bagai mahu putus rasanya batang leher kami. Ada yang pergi kepada temannya mahu meminta sesuatu dan kembalinya dia kepada kedudukannya hampir-hampir membuat tengukunya bagi nak tercabut. Ada yang menyembelih binatang kenderaannya lalu memerah perut sembelihan untuk diminum apa yang dapat dan lebihnya buat meneruskan denyut jantungnya...

“[Melihatkan keadaan ini] Saiyidina Abu Bakar As-Siddiq رَضِيَ اللَّهُ عَنْهُ وَأَرْضَاهُ [pergi mengadap] lalu berkata: “Ya Saiyidi ya Rasulallah صَلَّى اللَّهُ عَلَيْكَ وَسَلَّمَ, Sesungguhnya Allah telah menitip kebaikan dalam doamu, maka sudilah kiranya Tuan berdoa kepada Allah untuk kami ini.”

Maka bersabdalah Baginda ﷺ: “Sukakah engkau yang demikian itu?” jawab Saiyidina Abu Bakar: “Benar ya Saiyidi ya Rasulallah...” (Aduh ya Salam! Keadaan waktu itu amat serius lagi mulia, junjungan Baginda Nabi ﷺ memberi pilihan kepadanya dan Baginda memang tak pernah menolak apa-apa permintaan Saiyidina Abu Bakar... Ya Robbi ya Robbana sudilah kiranya menerima kami demi Saiyidina Abu Bakar As-Siddiq dan demi kedudukannya di sisi kekasihMu ﷺ, janganlah Engkau menghalau kami dari pintuMu, janganlah engkau mengusir kami dari hadrat para solihin... Allahumma amin).

Kata Saiyidina Umar رَضِيَ اللَّهُ عَنْهُ: “Junjungan Baginda ﷺ lalu menadah dua tangannya yang mulia ke langit dan tidak menurunkannya hinggalah langit berbicara, awan mendung berdatangan dan mencurahkan hujannya. Para sahabat pun mengisi bekas-bekas mereka. Sesudah itu kami perhatikan lalu mendapati hujan tadi tidak ada lagi sambil angkatan tentera kami melewati tempat itu.”

Ada satu lagi kisah yang akan kami riwayatkan untuk kita mengenali dan mengetahui peri kedudukan Sayidina Abu Bakar As-Siddiq رَضِيَ اللَّهُ عَنْهُ - As-Siddiq yang teragung -moga Allah memuliakan kita dengan beliau dunia dan Akhirat-, riwayat ini kami datangkan dengan tujuan membenteng para muridin dan muridat dari serangan pemikiran ganas yang mahu meruntuhkan asas-asas kita, sendi-sendi keutuhan kita, sejarah kita, dasar-dasar kita dan sukma raga kita yang amat tinggi nilai dan harganya ini.

Saiyidina Abdullah bin Al-Abbas رَضِيَ اللَّهُ عَنْهُمَا meriwayatkan: “Waktu Saiyidina Abu Bakar رَضِيَ اللَّهُ عَنْهُ bersama Baginda Sidnan Nabi ﷺ di dalam gua beliau merasa amat dahaga lalu mengadu kepada Saiyidina Rasulillah ﷺ, maka kata Baginda ﷺ kepadanya: “Pergilah engkau ke muka gua ini dan minumlah.”

Kata Saiyidina Abu Bakar رَضِيَ اللَّهُ عَنْهُ: “Aku pun pergi ke muka gua lalu minum di situ suatu air yang lebih manis dari madu, lebih putih dari susu dan lebih harum dari kasturi.



Kemudian kembalilah aku kepada Saiyidina Rasulillah ﷺ lantas disapa oleh Baginda: “Sudah minumkah engkau?” jawabku: “Sudah ya Saiyidi ya Rasulallah,” Baginda bersabda: “Mahukah engkau ku beri khabar gembira?” jawabku: “Sudah tentu! Ayah dan ibuku menjadi galang gantimu Tuan, mohon dikhabarkanlah ya Saidi ya Rasulallah!”

Maka sabda Baginda ﷺ: “Sesungguhnya Allah telah memerintahkan malaikat yang ditugaskan menjaga sungai-sungai di syurga untuk mengalirkan sebatang sungai dari Syurga Firdaus ke muka gua ini agar engkau dapat meminumnya tadi wahai Abu Bakar.”

Saiyidina Abu Bakar lantas mengujar: “Apakah hamba punya kedudukan ini di sisi Allah?!” maka jawab Baginda ﷺ: “Benar, bahkan lebih baik dari ini. Sumpahku demi Tuhan yang telah mengutusku dengan kebenaran sebagai Nabi; takkan masuk syurga siapa yang membencimu walau dia beramal dengan amalan 70 nabi.”



## Bab 23

### KEAGUNGAN SAIYIDINA RASULULLAH ﷺ

فَفَهَّمْنَاهَا سُلَيْمَانَ وَكُلًّا آتَيْنَا حُكْمًا وَعِلْمًا وَسَخَّرْنَا مَعَ دَاوُودَ الْجِبَالَ يُسَبِّحْنَ  
وَالطَّيْرَ وَكُنَّا فَاعِلِينَ.

*“Maka Kami beri Nabi Sulaiman memahami hukum yang lebih tepat bagi masalah itu; dan masing-masing (dari mereka berdua) Kami berikan hikmat kebijaksanaan dan ilmu (yang banyak); dan Kami mudahkan gunung-ganang dan unggas memuji Kami bersama-sama dengan Nabi Daud; dan adalah Kami berkuasa melakukan semuanya itu.” Al-Anbiya’: 79*

وَلَسُلَيْمَانَ الرِّيحَ عَاصِفَةً تَجْرِي بِأَمْرِهِ إِلَى الْأَرْضِ الَّتِي بَارَكْنَا فِيهَا وَكُنَّا بِكُلِّ  
شَيْءٍ عَالِمِينَ.

*“Dan (Kami mudahkan) bagi Nabi Sulaiman angin yang kencang tiupannya, bertiup menurut kehendaknya ke negeri yang Kami limpahi berkat padanya; dan adalah Kami mengetahui akan tiap-tiap sesuatu.” Al-Anbiya’: 81*



وَمِنَ الشَّيَاطِينِ مَنْ يَغُوصُونَ لَهُ وَيَعْمَلُونَ عَمَلًا دُونَ ذَلِكَ وَكُنَّا لَهُمْ حَافِظِينَ.

“dan (Kami mudahkan) sebahagian dari syaitan-syaitan untuk menyelam baginya, serta melakukan kerja-kerja yang lain dari itu; dan adalah Kami mengawal mereka (daripada melanggar perintahnya).” **Al-Anbiya’: 82**

Dalam satu lawatan ke Mesir seorang murid wanita bertanya kepada Sidna As-Syeikh Abdun Nasir رَضِيَ اللَّهُ عَنْهُ وَأَرْضَاهُ tentang hadrat junjungan Baginda Saiyidina wa Maulana Muhammad Rasulullah ﷺ. Sidna رَضِيَ اللَّهُ عَنْهُ pun mengujar kepada seorang hadirin: “Apakah kamu hafaz Al-Quranul Karim?” jawab lelaki itu: “Benar, walhamdulillah,” maka kata Sidna kepadanya: “Silakanlah membaca dari ayat 15 hingga 40 Surah Saiyidina Sulaiman عَلَيْهِ الصَّلَاةُ وَالسَّلَامُ,” lalu si hafiz itu pun melantunkan bacaannya kepada kami:

وَلَقَدْ آتَيْنَا دَاوُودَ وَسُلَيْمَانَ عِلْمًا وَقَالَا الْحَمْدُ لِلَّهِ الَّذِي فَضَّلَنَا عَلَى كَثِيرٍ مِّنْ عِبَادِهِ الْمُؤْمِنِينَ (١٥) وَوَرِثَ سُلَيْمَانُ دَاوُودَ وَقَالَ يَا أَيُّهَا النَّاسُ عُلِّمْنَا مَنْطِقَ الطَّيْرِ وَأُوتِينَا مِنْ كُلِّ شَيْءٍ إِنَّ هَذَا لَهُوَ الْفَضْلُ الْمُبِينُ (١٦) وَحُشِرَ لِسُلَيْمَانَ جُنُودُهُ مِنَ الْجِنِّ وَالْإِنسِ وَالطَّيْرِ فَهُمْ يُوزَعُونَ (١٧) حَتَّى إِذَا أَتَوْا عَلَى وَادِي النَّمْلِ قَالَتْ نَمْلَةٌ يَا أَيُّهَا النَّمْلُ ادْخُلُوا مَسَاكِنَكُمْ لَا يَحْطِمَنَّكُمْ سُلَيْمَانُ وَجُنُودُهُ وَهُمْ لَا يَشْعُرُونَ (١٨) فَتَبَسَّمَ ضَاحِكًا مِّن قَوْلِهَا وَقَالَ رَبِّ أَوْزِعْنِي أَنْ أَشْكُرَ نِعْمَتَكَ الَّتِي أَنْعَمْتَ عَلَيَّ وَعَلَى وَالِدَيَّ وَأَنْ أَعْمَلَ صَالِحًا تَرْضَاهُ وَأَدْخِلْنِي بِرَحْمَتِكَ فِي عِبَادِكَ الصَّالِحِينَ (١٩) وَتَفَقَّدَ الطَّيْرَ فَقَالَ مَا لِيَ لَا أَرَى الْهُدْهَدَ أَمْ كَانَ مِنَ الْغَائِبِينَ (٢٠) لَأُعَذِّبَنَّهُ عَذَابًا شَدِيدًا أَوْ لَأَذْبَحَنَّهُ أَوْ لَيَأْتِيَنِي بِسُلْطَانٍ مُّبِينٍ (٢١) فَمَكَثَ غَيْرَ بَعِيدٍ فَقَالَ أَحَطْتُ بِمَا لَمْ نَحِطُ بِهِ وَجِئْتُكَ مِن

سَبَّأَ بْنَسًا يَقِينُ (٢٢) إِنِّي وَجَدْتُ امْرَأَةً تَمْلِكُهُمْ وَأُوتِيَتْ مِنْ كُلِّ شَيْءٍ وَلَهَا  
عَرْشٌ عَظِيمٌ (٢٣) وَجَدْتُهَا وَقَوْمَهَا يَسْجُدُونَ لِلشَّمْسِ مِنْ دُونِ اللَّهِ وَزَيَّنَ لَهُمُ  
الشَّيْطَانُ أَعْمَالَهُمْ فَصَدَّهُمْ عَنِ السَّبِيلِ فَهُمْ لَا يَهْتَدُونَ (٢٤) أَلَا يَسْجُدُوا لِلَّهِ  
الَّذِي يُخْرِجُ الْخَبَاءَ فِي السَّمَاوَاتِ وَالْأَرْضِ وَيَعْلَمُ مَا تُخْفُونَ وَمَا تُعْلِنُونَ  
(٢٥) اللَّهُ لَا إِلَهَ إِلَّا هُوَ رَبُّ الْعَرْشِ الْعَظِيمِ (٢٦) قَالَ سَنَنْظُرُ أَصَدَقْتَ أَمْ  
كُنْتَ مِنَ الْكَاذِبِينَ (٢٧) أَذْهَبَ بِكِتَابِي هَذَا فَأَلْقَاهُ إِلَيْهِمْ ثُمَّ تَوَلَّى عَنْهُمْ فَانْظُرْ  
مَاذَا يَرْجِعُونَ (٢٨) قَالَتْ يَا أَيُّهَا الْمَلَأُ إِنِّي أُلْقِيَ إِلَيَّ كِتَابٌ كَرِيمٌ (٢٩)  
إِنَّهُ مِنْ سُلَيْمَانَ وَإِنَّهُ بِسْمِ اللَّهِ الرَّحْمَنِ الرَّحِيمِ (٣٠) أَلَا تَعْلَمُونَ عَلَيَّ وَأُتُونِي  
مُسْلِمِينَ (٣١) قَالَتْ يَا أَيُّهَا الْمَلَأُ أَفْتُونِي فِي أَمْرِي مَا كُنْتُ قَاطِعَةً أَمْرًا حَتَّى  
تَشْهَدُونَ (٣٢) قَالُوا نَحْنُ أَوْلُوا قُوَّةً وَأُولُوا بَأْسٍ شَدِيدٍ وَالْأَمْرُ إِلَيْكِ فَانْظُرِي  
مَاذَا تَأْمُرِينَ (٣٣) قَالَتْ إِنَّ الْمُلُوكَ إِذَا دَخَلُوا قَرْيَةً أَفْسَدُوهَا وَجَعَلُوا أَعِزَّةَ  
أَهْلِهَا أَذِلَّةً وَكَذَلِكَ يَفْعَلُونَ (٣٤) وَإِنِّي مُرْسِلَةٌ إِلَيْهِمْ بِهَدِيَّةٍ فَنَاظِرَةٌ بِمَ يَرْجِعُ  
الْمُرْسَلُونَ (٣٥) فَلَمَّا جَاءَ سُلَيْمَانَ قَالَ أَتُمِدُّونَنِ بِمَالٍ فَمَا آتَانِيَ اللَّهُ خَيْرٌ مِمَّا  
آتَاكُمْ بَلْ أَنْتُمْ بِهَدِيَّتِكُمْ تَفْرَحُونَ (٣٦) ارْجِعْ إِلَيْهِمْ فَلَنَأْتِيَنَّهُمْ بِجُنُودٍ لَا قِبَلَ  
لَهُمْ بِهَا وَلَنُخْرِجَنَّهُمْ مِنْهَا أَذِلَّةً وَهُمْ صَاغِرُونَ (٣٧) قَالَ يَا أَيُّهَا الْمَلَأُ أَيُّكُمْ  
يَأْتِينِي بِعَرْشِهَا قَبْلَ أَنْ يَأْتُونِي مُسْلِمِينَ (٣٨) قَالَ عِفْرِيتٌ مِّنَ الْجِنِّ أَنَا آتِيكَ  
بِهِ قَبْلَ أَنْ تَقُومَ مِنْ مَقَامِكَ وَإِنِّي عَلَيْهِ لَقَوِيٌّ أَمِينٌ (٣٩) قَالَ الَّذِي عِنْدَهُ عِلْمٌ مِّنَ  
الْكِتَابِ أَنَا آتِيكَ بِهِ قَبْلَ أَنْ يَرْتَدَّ إِلَيْكَ طَرْفُكَ فَلَمَّا رَآهُ مُسْتَقِرًّا عِنْدَهُ قَالَ هَذَا مِنْ  
فَضْلِ رَبِّي لِيَبْلُوَنِي أَأَشْكُرُ أَمْ أَكْفُرُ وَمَنْ شَكَرَ فَإِنَّمَا يَشْكُرُ لِنَفْسِهِ وَمَنْ كَفَرَ فَإِنَّ



رَبِّي غَنِيٌّ كَرِيمٌ (٤٠)

15. Dan Sesungguhnya Kami telah mengurniakan ilmu pengetahuan kepada Nabi Daud dan Nabi Sulaiman; dan mereka berdua bersyukur dengan berkata: “Segala puji tertentu bagi Allah yang dengan limpah kurniaNya memberi kami kelebihan mengatasi kebanyakan hamba-hambaNya yang beriman.”

16. Dan Nabi Sulaiman mewarisi (pangkat kenabian dan kerajaan) Nabi Daud; dan (setelah itu) Nabi Sulaiman berkata: “Wahai umat manusia, kami telah diajar mengerti bahasa pertuturan burung, dan kami telah diberikan dari tiap-tiap sesuatu (yang diperlukan); Sesungguhnya yang demikian ini adalah limpah kurnia (dari Allah) yang jelas nyata.”

17. Dan dihimpunkan bagi Nabi Sulaiman bala tenteranya, dari jin dan manusia serta burung; lalu mereka dijaga serta diatur keadaan dan perjalanan masing-masing.

18. (Maralah angkatan itu) hingga apabila mereka sampai ke Lembah An-Naml, berkatalah seekor semut: “Wahai sekalian semut, masuklah ke sarang kamu masing-masing, jangan Sulaiman dan tenteranya memijak serta membinasakan kamu, sedang mereka tidak menyedari.”

19. maka tersenyumlah Nabi Sulaiman mendengar kata-kata semut itu, dan berdoa dengan berkata:” Wahai Tuhanku, ilhamkanlah daku supaya tetap bersyukur akan nikmatMu yang Engkau kurniakan kepadaku dan kepada ibu bapaku, dan supaya aku tetap mengerjakan amal soleh yang Engkau redhai; dan masukkanlah daku - dengan limpah rahmatMu - dalam kumpulan hamba-hambaMu yang soleh.”

20. dan (setelah itu) Nabi Sulaiman memeriksa kumpulan burung (yang turut serta dalam tenteranya) lalu berkata: “Mengapa aku tidak melihat burung Hudhud? Adakah ia dari mereka yang tidak hadir?

21. *“Demi sesungguhnya! Aku akan menyeksanya dengan seksa yang seberat-beratnya, atau aku akan menyembelihnya, kecuali ia membawa kepadaku alasan yang terang nyata (yang membuktikan sebab-sebab ia tidak hadir).”*

22. *Burung Hudhud itu tidak lama ghaibnya selepas itu, lalu datang sambil berkata (kepada Nabi Sulaiman): “Aku dapat mengetahui secara meliputi akan perkara yang engkau tidak cukup mengetahuinya, dan aku datang kepadamu dari negeri Saba’ dengan membawa khabar berita yang diyakini kebenarannya.*

23. *“Sesungguhnya aku dapati seorang perempuan memerintah mereka dan telah diberikan kepadanya dari tiap-tiap sesuatu (yang diperlukan) dan dia pula mempunyai singgahsana yang besar.*

24. *“Aku dapati ratu itu dan kaumnya sujud kepada matahari, mereka meninggalkan lbadat menyembah Allah, dan Syaitan pula memperelokkan pada pandangan mereka perbuatan (syirik) mereka, lalu menghalangi mereka dari jalan (yang benar); oleh itu mereka tidak beroleh petunjuk,”*

25. *“(Mereka dihalangi oleh Syaitan) supaya mereka tidak sujud menyembah Allah yang mengeluarkan benda yang tersembunyi di langit dan di bumi, dan yang mengetahui apa yang kamu rahsiakan serta apa yang kamu zahirkan.*

26. *“Allah! - tiada Tuhan melainkan Dia, Tuhan yang mempunyai arasy yang besar.”*

27. *Nabi Sulaiman berkata: “Kami akan fikirkan dengan sehalus-halusnya, adakah benar apa yang engkau katakan itu, ataupun engkau dari golongan yang berdusta.*

28. *“Pergilah bawa suratku ini, lalu campakkan kepada mereka, kemudian berundurlah dari mereka; dalam pada itu perhatikanlah apa tindak balas mereka.”*





## Bekalan Murid Ke Jalan Akhirat

29. (Setelah membaca surat itu), berkatalah ratu negeri Saba': "Wahai orang-orang besar sekalian! Sesungguhnya telah disampaikan kepadaku sepucuk surat yang mulia.

30. "Sesungguhnya surat itu dari Nabi Sulaiman, dan isinya: Dengan nama Allah Yang Maha Pemurah lagi Maha Mengasihani.

31. "Bahawa janganlah kamu meninggi diri kepadaku, dan datanglah kamu kepadaku dengan menyerah diri (beriman dan mematuhi ajaran ugama Allah)."

32. Ratu itu berkata lagi: "Wahai para pembesar, berilah penjelasan kepadaku mengenai perkara yang aku hadapi ini; aku tidak pernah memutuskan sesuatu perkara sebelum kamu hadir memberi pendapat dan mempersetujuinya."

33. Mereka menjawab: "Kita adalah kaum yang kuat gagah dan amat berani menempuh peperangan; dan perkara itu (walau bagaimanapun) terserahkan kepadamu duhai ratu; oleh itu fikirkanlah apa yang engkau mahu perintahkan.

34. "Ratu itu berkata: "Sesungguhnya raja-raja, apabila masuk ke sebuah negeri, mereka merosakkannya, dan mereka menjadikan penduduknya yang mulia hina-dina; dan sedemikian itulah mereka akan lakukan.

35. "Dan bahawa aku hendak menghantarkan hadiah kepada mereka, kemudian aku akan menunggu, apakah balasan yang akan dibawa balik oleh utusan-utusan kita."

36. Maka apabila (utusan pembawa hadiah itu) datang mengadap Nabi Sulaiman, berkatalah Nabi Sulaiman (kepadanya): "Tidaklah patut kamu memberikan kepadaku pemberian harta-benda, kerana apa yang telah diberikan Allah kepadaku lebih baik dari apa yang telah diberikanNya kepada kamu; (bukan aku yang memandang kepada pemberian hadiah) bahkan kamulah yang bergembira dengan hanya kekayaan yang dihadihkan kepada kamu (atau

yang kamu hadiahkan dengan perasaan megah).

37. “Kembalilah kepada mereka, (jika mereka tidak juga mahu beriman) maka demi sesungguhnya kami akan mendatangi mereka dengan angkatan tentera yang mereka tidak terdaya menentanginya, dan kami akan mengeluarkan mereka dari negeri Saba’ dengan keadaan hina, menjadi orang-orang tawanan.”

38. Nabi Sulaiman berkata pula (kepada golongan bijak pandainya): “Wahai pegawai-pegawaku, siapakah di antara kamu yang dapat membawa kepadaku singgahsanya sebelum mereka datang mengadapku dalam keadaan berserah diri memeluk Islam?”

39. Berkatalah Ifrit dari golongan jin: “Aku akan membawakannya kepadamu sebelum engkau bangun dari tempat dudukmu, dan sesungguhnya aku amatlah kuat gagah untuk membawanya, lagi amanah.”

40. Berkata pula seorang yang mempunyai ilmu pengetahuan dari Kitab Allah: “Aku akan membawakannya kepadamu dalam sekelip mata!” Setelah Nabi Sulaiman melihat singgahsana itu terletak di sisinya, berkatalah dia: “Ini ialah dari limpah kurnia Tuhanku, untuk menguji adakah aku bersyukur atau ku tidak mengenangkan nikmat pemberianNya. Dan (sebenarnya) sesiapa yang bersyukur maka faedah syukurnya itu hanyalah terpulang kepada dirinya sendiri, dan sesiapa yang tidak bersyukur (maka tidaklah menjadi hal kepada Allah), kerana sesungguhnya Tuhanku Maha Kaya, lagi Maha Pemurah.” (Surah An-Naml) **Saiyidina Sulaiman: 15 hingga 40**

Sidna ﷺ kemudian berkata: “Maha Sucinya Allah yang Maha Agung, Maha Besar lagi Maha Tingginya Dia. Allah Tuhan kita telah meletakkan segala-galanya di dalam Al-Quranul Karim dan menjadikan ia sebagai kurnia pemberianNya lagi anugerah kemuliaanNya kepada Saiyidina wa Maulana Muhammad ﷺ kekasih Allah Tabaroka wa Taala. Kemudiaan Allah Taala menambah kurniaNya kepada Baginda,



## Bekalan Murid Ke Jalan Akhirat

lalu menambahnya lagi dan menambahnya lagi (yang demikian itu adalah rahsia antara Kekasih dengan kekasihNya), kerana Baginda ﷺ adalah yang pertama diangkat menjadi Nabi lagi yang terakhir kezhahirannya ﷺ.

“Dan semua anbiya’ yang kecil mahu pun yang besar, yang awal dan yang akhir عَلَيْهِمُ الصَّلَاةُ وَالسَّلَامُ kesemua mereka mengambil daripada Baginda ﷺ dan kesemua mereka bercita-cita untuk menjadi umat kepada Baginda. Lihatlah betapa besarnya kemuliaan ini yang tidak ada kemuliaan yang lebih besar sebelum dan selepasnya.

“Ayat-ayat yang dibacakan tadi ditutur oleh Al-Quranul Karim mengenai Saiyidina Sulaiman عَلَيْهِ الصَّلَاةُ وَالسَّلَامُ lalu wajibilah ke atas kita untuk percaya dan beriman dengannya, darinya juga kita dapat mengambil dan mencedok dengan amat banyaknya berbagai-bagai dimensi, makrifat, nur, ilmu, adab dan kefahaman.

Adapun Saiyidina wa Maulana Muhammad ﷺ maka Baginda adalah lebih tinggi lagi dari itu semua, kerana Baginda merupakan asal pembahagian dan Bagindalah juru bahagi sedang Allah Subhanahu wa Taala sumbernya yang Maha Memberi. Baginda ﷺ adalah yang diberi kurnia itu dan selanjutnya Baginda juga yang menyampaikannya kepada seluruh tingkatan alam yang terdiri dari berbagai arwah dan tubuh kasar. Maka fahamilah hakikat ini nescaya engkau akan beroleh keberuntungan dan laba, nescaya engkau akan beroleh pengetahuan dan pencerahan...”

Sidna kemudian berterusan menyampaikan ulasan beliau -moga Allah meredhoinya- mengenai takzim kepada keagungan, kebesaran, kemuliaan dan keindahan Saiyidina wa Maulana Muhammad ﷺ hinggalah sampai waktu solat fajar setelah memulakan ucapannya itu selepas solat isya’ dan makan malam. Aduhai alangkah baiknya kalau waktu itu aku mencatat, aduh alangkah bagusya kalau waktu itu aku punya alat perakam... namun itulah nafahat dan rezeki sebenarnya. Mengertikah tuan puanku sekalian?

Ada orang soleh menceritakan hikayatnya, kata beliau: “Aku

telah naik haji ke Baitullah (Makkah Al-Mukarromah). Di Masjidil Harom aku bertemu seorang lelaki yang berkata kepadaku bahawa dia tidak minum air. Aku bertanya darihal itu, maka katanya: “Biar aku ceritakan sebabnya padamu. Aku ini seorang warga Al-Hillah (sebuah desa di Iraq) dari kumpulan orang Syiah. Satu malam aku tidur lalu bermimpi seolah-olah kiamat telah berlaku maka semua orang dalam bencana dan kehausan yang amat sangat. Diriku sendiri amat dahaga lalu pergilah aku menuju telaga Baginda Nabi ﷺ dan mendapati di situ ada Abu Bakar, Umar, Usman dan Ali رضي الله عنه sedang memberi minum kepada orang ramai.

“Lalu datanglah aku kepada Ali رضي الله عنه kerana halku berkempen mengajak orang lain kepadanya, kerana cintaku padanya dan aku melebihi beliau dari yang lain... kerana itu semua maka datanglah aku kepadanya supaya beliau memberi minum kepadaku, namun beliau telah memalingkan wajahnya dariku. Kemudian aku mendatangi Abu Bakar رضي الله عنه maka beliau juga memalingkan wajahnya dariku, kemudian aku mendatangi Umar رضي الله عنه maka beliau juga memalingkan wajahnya dariku, kemudian aku mendatangi Usman رضي الله عنه maka beliau juga memalingkan wajahnya dariku. Semua itu berlaku ketika Baginda Nabi ﷺ berdiri di Padang Mahsyar membela umat manusia.

Maka datanglah aku kepada Baginda seraya mengadu: “Ya Rasulallah hamba ini terlalu amat dahaga, hamba datang kepada Ali meminta minum namun beliau berpaling dari hamba,” maka kata Baginda kepadaku: “Bagaimanakah dia akan memberi minum padamu sedangkan engkau membenci para sahabatku?!” Aku pun berkata: “Ya Rasulallah masih dapatkah hamba bertaubat?” jawab Baginda: “Iya, masuklah Islam dan bertaubatlah, nescaya akan ku tuang kepadamu satu minuman yang takkan membuat engkau dahaga selamanya,” maka masuklah aku kepada Islam dan bertaubatlah aku di tangan Saiyidina Rasulullah ﷺ, Baginda kemudian mengedarkan kepadaku sebiji gelas maka minumlah aku dari



gelas itu lalu tersedarlah aku dari tidur dengan tidak merasa haus. Demikianlah halku berterusan, maka jika teringin aku akan minum jika tidak aku tidak minum. Kemudian aku pulang kepada kepada keluargaku di Al-Hillah, di sana aku menyatakan putus hubungan dengan mereka melainkan siapa yang menyahut seruanku dan meninggalkan keyakinan lamanya.”

Dalam sebuah hadis junjungan Baginda ﷺ yang diriwayatkan dari jalan Saiyidina Anas bin Malik رَضِيَ اللَّهُ عَنْهُ menyebut bahawa Saiyidina Rasulullah ﷺ telah bersabda:

إِنَّ عَلَى حَوْضِي أَرْبَعَةً أَرْكَانٍ فَأَوَّلُ رُكْنٍ مِنْهَا فِي يَدِ أَبِي بَكْرٍ وَالرُّكْنُ الثَّانِي فِي يَدِ عُمَرَ وَالرُّكْنُ الثَّلَاثُ فِي يَدِ عُثْمَانَ وَالرُّكْنُ الرَّابِعُ فِي يَدِ عَلِيٍّ .

“Sesungguhnya telagaku (di Padang Mahsyar) berada di atas empat penjuru; penjuru yang pertama dipegang oleh Abu Bakar, penjuru yang kedua dipegang oleh Umar, penjuru yang ketiga dipegang oleh Usman dan penjuru yang keempat dipengang oleh Ali.

فَمَنْ أَحَبَّ أَبَا بَكْرٍ وَأَبْغَضَ عُمَرَ لَمْ يُسْقِهِ أَبُو بَكْرٍ. وَمَنْ أَحَبَّ عُمَرَ وَأَبْغَضَ أَبَا بَكْرٍ لَمْ يُسْقِهِ عُمَرُ. وَمَنْ أَحَبَّ عُثْمَانَ وَأَبْغَضَ عَلِيًّا لَمْ يُسْقِهِ عُثْمَانُ. وَمَنْ أَحَبَّ عَلِيًّا وَأَبْغَضَ عُثْمَانَ لَمْ يُسْقِهِ عَلِيٌّ .

“Maka barang siapa mencintai Abu Bakar dan membenci Umar nescaya dia tidak diberi minum oleh Abu Bakar. Barangsiapa mencintai Umar dan membenci Abu Bakar nescaya dia tidak diberi minum oleh Umar. Barangsiapa mencintai Usman dan membenci Ali nescaya dia tidak diberi minum oleh Usman. Barangsiapa mencintai Ali dan membenci Usman nescaya dia tidak diberi minum oleh Ali.

وَمَنْ أَحْسَنَ الْقَوْلِ فِي أَبِي بَكْرٍ فَقَدْ أَقَامَ الدِّينَ. وَمَنْ أَحْسَنَ الْقَوْلِ فِي عُمَرَ فَقَدْ  
 أَوْضَحَ السَّبِيلَ. وَمَنْ أَحْسَنَ الْقَوْلِ فِي عُثْمَانَ فَقَدْ اسْتَنَارَ بِنُورِ اللَّهِ. وَمَنْ أَحْسَنَ  
 الْقَوْلِ فِي عَلِيٍّ فَقَدْ اسْتَمْسَكَ بِالْعُرْوَةِ الْوُثْقَى لَا انْفِصَامَ لَهَا. وَمَنْ أَحْسَنَ الْقَوْلِ  
 فِي أَصْحَابِي فَهُوَ مُؤْمِنٌ.

*“Dan barangsiapa yang baik perkataannya mengenai Abu Bakar maka sesungguhnya dia telah menegakkan agama. Barangsiapa yang baik perkataannya mengenai Umar maka sesungguhnya dia telah menerangkan jalan. Barangsiapa yang baik perkataannya mengenai Usman maka sesungguhnya dia telah mengambil pencerahan dari cahaya Allah. Barangsiapa yang baik perkataannya mengenai Ali maka sesungguhnya dia telah berpegang tegung dengan tali yang tak tergoyah. Barangsiapa yang baik perkataannya mengenai para sahabatku maka dia adalah seorang mukmin.”*

Artikel ini kami sudah dengan satu berita yang indah lagi menarik; seorang syekh yang juga merupakan tokoh besar dalam arena kesufian di Britain telah mengajukan tuntutan undang-undang di mahkamah tertinggi di sana bagi menghalang sebarang bentuk penghinaan, caci maki, dan perlecehan terhadap mana-mana nabi atau rasul nan mulia عَلَيْهِمُ الصَّلَاةُ وَالسَّلَامُ.

Mudah-mudahan Allah Taala membuka hati kalangan kaum Muslimin yang punya sifat kecemburuan dan mahabbah kepada junjungan Saiyidina wa Maulana Muhammad Rasulullah ﷺ (khususnya murid-murid wanita yang punya kepakaran dalam bidang guaman dan perundangan untuk berinisiatif melakukan sesuatu demi kebaikan umat. Mudah-mudahan dengan inisiatif mereka Allah akan mengampuni dosa-dosa mereka dan dosa-dosa kita. Mengapa mesti takut dan gentar kepada manusia dan pangkat kedudukan? Sampai bila? Sedangkan mati amat dekat kepada kita semua) untuk mengajukan tuntutan undang-undang di negara masing-masing bagi menjatuhkan hukum



## Bekalan Murid Ke Jalan Akhirat

paling berat dan pembenterasan ke atas jenayah penghinaan atau merendah-rendahkan atau perlecehan terhadap junjungan Nabi ﷺ.

Dari platform yang sama saya juga dengan sebenarnya amat mengharapakan golongan saiyyid, syarif dan para habib yang bersusur galur zuriat mereka kepada junjungan Nabi ﷺ (khususnya mereka yang punya pangkat kedudukan, harta bertimbun-timbunan, yayasan dan organisasi, kolej, sekolah dan universiti, yang punya nama dan populariti dan yang punya sekian banyak peminat... ini merupakan inisiatif paling minimal yang harus digerakkan oleh para saiyyid, syarif dan habib bagi mengambil tindakan ke atas mereka yang menyakiti nenda tuan-puan sekalian) agar mengajukan siri gugatan dan tuntutan undang-undang (tuntutan undang-undang atas nama keluarga dan dengan ini mereka yang melakukan penghinaan tersebut bererti menghina sebuah institusi keluarga – dunia antarabangsa dengan mudah akan memberi sokongan kepada kes-kes kekeluargaan) di mahkamah-mahkamah tempatan dan antarabangsa bagi menyekat sebarang bentuk gangguan dari jauh mahu pun dekat terhadap nenda mereka ﷺ.

Allahumma apakah hamba telah menyampaikan seruan ini? Allah Subhanahu wa Taala jua yang Maha Menolong lagi Maha Membantu bagi hamba yang menolong agamaNya. Dengan undang-undang dan hikmat kebijaksanaan kita akan berjaya dan menang kerana semua orang lambat laun akhirnya tetap akan tunduk dan menghormati undang-undang.



## Bab 24

### **BIOGRAFI SAIYIDINA AS-SYEIKH AS-SYAZILI رَضِيَ اللَّهُ عَنْهُ**

**P**ada siri kali ini kita kembali memperkatakan tentang manaqib dan karamat Saiyidina As-Syeikh As-Syazili رَضِيَ اللَّهُ عَنْهُ seperti yang dihikayatkan oleh Sidi As-Syeikh pengarang Al-Hikam Al-‘Atha’iyyah – Tajuddin Ibnu Atho’illah As-Sikandari As-Syazili رَضِيَ اللَّهُ عَنْهُ dalam kitab Latha’iful Minan. Beliau berkata: “As-Syeikh Muslim As-Sullami masuk mengadap kepada As-Syeikh Abul Hasan As-Syazili رَضِيَ اللَّهُ عَنْهُ di kediaman beliau pada benteng Iskandariyyah. Kata Syeikh Syeikh Muslim: “Ya Tuanku, mereka memberitahuku bahawa Tuan membimbing manusia kepada Allah,” maka jawab beliau: “Yang demikian itu pekerjaan umum para wali, adapun seorang syeikh kamil maka dia berkata: Nah! Sekarang engkau sudah bersama Tuhanmu!”

Sidi As-Syeikh Abdul Wahhab As-Sya’rani berkata رَضِيَ اللَّهُ عَنْهُ “Sampai perkhabaran kepada kami bahawa As-Syeikh Al-Kamil Abul Hasan As-Syazili tikamana fana’ dari pilihan diri lalu pasrah kepada pilihan Allah beliau telah melalui tempoh enam bulan dalam keadaan tidak berani meminta apa-apa dari Allah untuk mendapatkan sesuatu. Kemudian beliau diseru dalam sirrnya: “Mintalah kepada Kami akan ubudiyyah yang tiada pada neracanya berat sebelah antara pemberian dan tertahan dari kurniaan,” maka kata beliau: “Aku pun meminta permohonan itu kepada Allah sebagai menurut perintah dan bukanlah





## Bekalan Murid Ke Jalan Akhirat

permintaanku itu menyempitkan kemampuanNya dalam memberi, kerana sesungguhnya Allah Taala mencipta apa yang dikehendakiNya dan Dia memilih apa yang dikehendakiNya, lagi tiada pilihan apabila bersamaNya.”

Sidi As-Syeikh Al-Munawi رَحِمَهُ اللهُ تَعَالَى menyebut dalam kitabnya Al-Kawakib Ad-Durriyyah Fi At-Thabaqat As-Sufiyyah: “Adapun Saiyidina Abul Hasan As-Syazili رَحِمَهُ اللهُ تَعَالَى apabila beliau menunggang kenderaannya akan diiringi oleh para tokoh fuqara’ dan para pembesar dunia yang berpangkat kedudukan serta hartawan, kesemuanya berjalan kaki bersama rombongannya yang diarak dengan kibaran bendera dan pukulan genderang. Beliau juga mengarahkan naqib (muqaddam/pemuka) tareqatnya untuk menyeru di muka rombongan: “Barangsiapa yang mencari wali quthb maka silakanlah kepada Saiyidina As-Syeikh As-Syazili!”

Saiyidina As-Syeikh As-Syazili رَحِمَهُ اللهُ تَعَالَى berkata: “Aku telah diberikan daftar senarai yang panjangnya sejauh pandangan mata, di dalamnya tercatat nama teman-temanku, jua nama teman-teman kepada teman-temanku hinggalah ke Hari Kiamat bahawa mereka semua bebas dari api Neraka” (Alhamdulillah atas nikmat ini, maka wajibah ke atas kita semua untuk bersyukur dan istiqamah).

Saiyidina As-Syeikh As-Syazili رَحِمَهُ اللهُ تَعَالَى juga berkata: “Sesungguhnya aku telah mengadakan pada jalan ini apa yang tidak pernah diadakan oleh orang lain” (ini adalah kalam yang besar dan amat besar, orang yang mencapai maqam wushul tahu nilai kalam ini). Juga telah termasyhur diriwayatkan daripada beliau رَحِمَهُ اللهُ تَعَالَى perkataannya: “Kalaulah bukan kerana memegang disiplin syariat pada lisanku nescaya ku khabarkan padamu tentang apa yang akan berlaku esok, lusa dan hingga ke Hari Kiamat” (...ini kerana beliau رَحِمَهُ اللهُ تَعَالَى telah tahqiq dengan sifat-sifat ‘ubdiyyah dan Allah Taala telah memuliakannya dengan ‘ubdiyyah yang tulus di maqam yang beliau duduki ini, yaitu maqam hina dan menghina diri di hadapan Allah, maqam faqir dan kefaqiran kepada Allah... di sini segalanya adalah mungkin kerana dirinya menjadi hamba yang bersifat robbani).

Saiyidina As-Syeikh As-Syazili رحمته الله juga telah mengkhabarkan tentang kezahiran Sidi Syamsuddin Al-Hanafi selepas beliau dengan katanya: “Nanti akan zahir di Mesir seorang lelaki yang dikenal dengan nama Muhammad Al-Hanafi, di akan menjadi pembuka kepada rumah ini, dia akan masyhur di zamannya dan baginya pekerjaan yang besar.” Dalam satu kesempatan lain Saiyidina As-Syazili رحمته الله berkata: “Akan zahir di Mesir seorang pemuda yang dikenali dengan gelar pemuda yang bertaubat, mazhabnya Hanafi dan namanya Muhammad Ibnul Hasan, di pipi kanannya ada tahi lalat, kulitnya putih kemerah-merahan, dia membesar sebagai anak yatim dan faqir, dia akan menjadi khalifah kelima sesudahku, dia akan terkenal di zamannya dan akan agung pekerjaannya,” dan memang benarlah semua itu (masjid dan makam Sidi Syamsuddin Al-Hanafi ada di Kota Qaherah di Kawasan Kejiranan As-Saiyidah Zainab penghulu dewan awliya’ رَضِيَ اللهُ عَنْهَا وَأَرْضَاهَا).

Sidi Syamsuddin Al-Hanafi As-Syazili رحمته الله berkata: “Sesungguhnya Allah telah menunjukkan kepadaku maqam Sidi As-Syeikh Abdul Qadir Al-Jailani رحمته الله dan maqam Sidi As-Syeikh Abul Hasan As-Syazili رحمته الله الله تَعَالَى عَنْهُ. Aku dapati bahawa maqam Sidi As-Syeikh Abul Hasan As-Syazili lebih tinggi dari maqam Sidi Abdul Qadir Al-Jailani... yang demikian itu kerana Sidi As-Syeikh Abdul Qadir pada satu hari pernah ditanya: “Ya Saiyidi, siapakah syeikhmu?” maka kata beliau: “Pada yang terdahulu syeikhku adalah Sidi Hammad Ad-Dabbas, adapun sekarang aku mencedok dari dua lautan; Lautan Nubuwwah dan Lautan Futuwwah,” yang beliau maksudkan Lautan Nubuwwah adalah Saiyidina wa Maulana junjungan Nabi صَلَّى اللهُ عَلَيْهِ وَسَلَّمَ, adapun Lautan Futuwwah adalah Saiyidina Abi bin Abi Tholib رَضِيَ اللهُ عَنْهُ وَأَرْضَاهُ. (Tuan puan sekalian pasrah dan menyerahlah, jangan membangkang dan jangan mengengkar kerana mereka adalah para awliya’ yang telah menyelami berbagai lautan dan samudera lagi mendaki segala pergunungan... sedangkan kita masih belum berjalan walau setapak).

Kata Sidi Syamsuddin lagi: “Sidi Abul Hasan As-Syazili pernah ditanya siapakah syeikhmu?” maka kata beliau: “Bermula pada yang terdahulu syeikhku adalah Sidi Abdus Salam bin Masyish. Adapun sekarang aku mencedok dari sepuluh lautan; lima di langit dan lima



## Bekalan Murid Ke Jalan Akhirat

dibumi. Adapun yang di langit adalah Saiyidina Jibril عَلَيْهِ الصَّلَاةُ وَالسَّلَامُ, Saiyidina Mikail عَلَيْهِ الصَّلَاةُ وَالسَّلَامُ, Saiyidina Israfil عَلَيْهِ الصَّلَاةُ وَالسَّلَامُ, Saiyidina Izrail عَلَيْهِ الصَّلَاةُ وَالسَّلَامُ dan Saiyidina Ar-Ruh عَلَيْهِ الصَّلَاةُ وَالسَّلَامُ. Adapun yang di bumi Saiyidina Abu Bakar As-Siddiq رَضِيَ اللَّهُ عَنْهُ, Saiyidina Umar Al-Faruq رَضِيَ اللَّهُ عَنْهُ, Saiyidina Usman Dzun Nurain رَضِيَ اللَّهُ عَنْهُ, Saiyidina Ali Al-Karror رَضِيَ اللَّهُ عَنْهُ dan Saiyidina wa Maulana junjungan Nabi ﷺ (Ini adalah kurnia budi Allah yang diberinya kepada sesiapa yang dikehendakiNya).

Sidi Abul Abbas Al-Mursi As-Syazili رَضِيَ اللَّهُ عَنْهُ berkata: “Aku telah bersiar-siar di alam malakut Allah lalu melihat Sidi Abu Madyan bergantung di kaki Arasy, beliau itu berambut perang dan bermata biru. Aku pun berkata kepadanya: “Ya Saiyidi, apakah ilmunu dan apa maqammu?” maka kata beliau: “Adapun segala ilmuku adalah 71 ilmu, dan maqamku pula khalifah yang keempat laqi ketua abdal yang tujuh” (ini adalah istilah-istilah kesufian dan maqam-maqam rohani yang tiada perhentian padanya... ia berterusan). Aku pun berkata: “Maka apa katamu Tuan tentang syekhku Abul Hasan As-Syazili?” beliau mengujar: “Syekhmu itu melebihiku sebanyak 40 ilmu, beliau adalah lautan yang tak dapat dijangkau kerana dampungannya dengan Sidi Abdus Salam bin Masyish” (moga Allah meredhoi mereka sekalian dan mengurnia kita kemanfaatan dari mereka yang telah kita sebutkan dan yang belum kita sebutkan... Allahumma amin).



## Bab 25

### BIOGRAFI SAIYIDINA AS-SYEIKH AS-SYAZILI **TAULADAN ULAMA SYARIAT DAN HAKIKAT**

**K**ita menyambung kalam pada siri kali ini mengenai biografi Saiyidina As-Syeikh As-Syazili رَحْمَةُ اللهِ عَلَيْهِ . Adapun beliau itu رَضِيَ اللهُ عَنْهُ mengungkap bicara dengan cahaya *bashiroh* (pandangan hati) atas segala sirr. Beliau adalah peribadi nan alim dan arif pada segala ilmu yang zahir lagi menghimpun aneka ragam seninya yang halus-halus. Beliau adalah pemancar kesegaran segala makna dan intipati dari berbagai macam ilmu; hadis, tafsir, fiqh, tasawuf, usul, nahu, sorof, tashrif, bahasa, manqul dan ma'qul, serta hikmah dan sastera.

Adapun tentang penguasaan ilmu-ilmu makrifat maka beliau رَحْمَةُ اللهِ عَلَيْهِ adalah paksi edarannya lagi mentari dhuhanya, sesudah penguasaan itu datang pula kepadanya kurnia besar dan pemberian melimpah ruah dari Tuhannya. Dari tiap pelosok manusia datang menziarahinya. Beliau رَحْمَةُ اللهِ عَلَيْهِ adalah pengungkap rangkaian isyarat nan tinggi serta untaian ucapan yang mulia. Beliau telah mendatangkan method yang ajaib dan silibus yang aneh dalam perjalanan kaum sufi yang menghimpun antara

- Ilmu
- Hal
- Hemah
- Ucapan



Dari suhba (dampingan) dan khidmat kepadanya telah bermunculan sekumpulan tokoh besar seperti Sidi Abul Abbas Al-Mursi, Sidi Abul Azaim Madhi dan ramai lagi. Ramai kalangan pembesar ahlillah Tabaroka wa Taala yang telah berguru kepada beliau.

Sidi Ibnu Al-Mughayzil رحمته الله عليه berkata: “sesungguhnya Saiyidina As-Syeikh رحمته الله عليه apabila telah sampai dari Maghribi ke Mesir beliau pun mula menjalankan dakwah mengajak manusia menuju Allah Tabaroka wa Taala, maka seluruh warga timur dan barat pun merasa kerdil dan tunduk kepada seruan beliau. Majlisnya dihadiri oleh ulama-ulama besar sezamannya seperti Sidi As-Syeikh ‘Izzuddin bin Abdus Salam رحمته الله عليه, Sidi As-Syeikh Taqiyyuddin bin Daqiqil Eid رحمته الله عليه, Sidi As-Syeikh Abdul Azhim Al-Mundziri رحمته الله عليه, Sidi Ibnus Solah رحمته الله عليه, Sidi Ibnul Hajib رحمته الله عليه, Sidi As-Syeikh Jamaluddin Asfour رحمته الله عليه, Sidi As-Syeikh Nabihuddin bin ‘Auf رحمته الله عليه. Yang disebutkan nama-namanya tadi merupakan para sultan ulama timur dan barat di zaman mereka. Majlis beliau turut dihadiri oleh Sidi As-Syeikh Muhyiddin Ibnu Suroqoh رحمته الله عليه, Sidi Al-‘Alm Yaasin رحمته الله عليه siswa kepada Sidi Ibnul ‘Arobi رحمته الله عليه. Para tokoh tersebut menghadiri jadual pertemuan dengan beliau di Madrasah Al-Kamiliyyah di Kota Qaherah dengan melazimi adab tatakruma di hadrat beliau dan tunduk berguru di hadapannya.

Sesungguhnya Sidi As-Syeikh Al-Imam Qadhil Qudhah Badruddin bin Jamaah رحمته الله عليه dilihat orang berada di kolam Saiyidina As-Syeikh Abul Hasan As-Syazili رحمته الله عليه di Mesir. Dia berbangga dapat mendampingi beliau dan berbangga kerana turut hadir dan mensolati jenazah beliau ketika wafatnya di padang pasir Humaytsara.

Sidi As-Syeikh Makinuddin Al-Asmar رحمته الله عليه berkata: “Selama 40 tahun aku tak ketemu jawapan bagi persoalanku tentang jalan tareqat kaum sufi, dalam tempoh itu aku tak bertemu orang yang mampu menghurai permasalahan itu dan menjawab kemusykilanku mengenainya. Akhirnya datanglah Saiyidina As-Syeikh Abul Hasan As-Syazili رحمته الله عليه lalu beliau lah orangnya yang telah meleraikan segala kemusykilanku itu.”

Adapun Saiyidina As-Syeikh Abul Hasan As-Syazili رَحْمَةُ اللهِ عَلَيْهِ, menyampaikan pengajian tafsir dari karya Sidi Ibnu Athiyyah رَحْمَةُ اللهِ عَلَيْهِ, beliau juga memberi pelajaran tentang syamail (sifat kesempurnaan dan kemuliaan pekerti) Saiyidina wa Maulana Muhammad ﷺ dari kitab As-Syifa karya Sidi As-Syeikh Al-Qadhi 'Iyadh رَحْمَةُ اللهِ عَلَيْهِ.

Berkata Saiyidina As-Syeikh Abul Hasan As-Syazili رَحْمَةُ اللهِ عَلَيْهِ : “Dikatakan kepadaku: “Ya Ali! Tiadalah di atas muka bumi majlis pengajian fiqh yang lebih elok dari majlis As-Syeikh ‘Izzuddin bin Abdus Salam. Tiadalah di atas muka bumi majlis pengajian hadis yang lebih elok dari majlis Az-Zakiy Ibnu Abdul Azhim Al-Mundziri. Tiadalah di atas muka bumi majlis pengajian hakikat yang lebih elok dari majlismu.”

Berkata Sidi As-Syeikh Ibnu Atho'illah As-Syazili رَحْمَةُ اللهِ عَلَيْهِ: “... dan tareqat Saiyidina As-Syeikh As-Syazili رَحْمَةُ اللهِ عَلَيْهِ merupakan jalan *al-fana' al-akbar* (fana' terbesar), jalan *at-taushil* (menyampaikan) dan jalan *al-wishol al-azhim* (hubungan yang agung). Bahkan beliau رَحْمَةُ اللهِ عَلَيْهِ sampai mengucapkan: “Bukanlah syeikh orang yang menunjuk engkau kepada apa yang meletihkanmu, sesungguhnya syeikh sebenar adalah orang yang menunjuk engkau kepada kerehatanmu.”

Beliau رَحْمَةُ اللهِ عَلَيْهِ juga berkata: “Demi Allah tiadalah antaraku dengan seorang lelaki itu melainkan ku tilik dia dengan satu tilikan lalu aku meng kayakan dia dan menyampaikannya ke maqam al-wushul.”

Berkata Saiyidina As-Syeikh As-Syazili رَحْمَةُ اللهِ عَلَيْهِ: “Demi Allah sekiranya terhibab dariku Saiyidina wa Maulana Muhammad Rasulullah ﷺ sekerdip mata nescaya aku tidak lagi menganggap diriku dari kalangan orang Islam,” seorang teman (murid) beliau pernah bertanya: “Ya Saiyidi, apakah Tuan pernah melihat Jabal Qaf?” maka dijawab beliau: “Iya, juga Jabal Shod.”

Dalam satu perutusan warkah Sidi As-Syeikh Abul Abbas Al-Mursi As-Syazili رَحْمَةُ اللهِ عَلَيْهِ dari Iskandariyyah kepada seorang temannya di Tunis beliau berkata di hujungnya: “Sesungguhnya aku telah berdamping kepada seorang pemuka golongan siddiqin, dari beliau telah ku ambil satu sirr yang hanya berpindah dari seorang tokoh kepada seorang



## Bekalan Murid Ke Jalan Akhirat

tokoh. Kalau nak dijelaskan maka akan jadi amat panjang, dengan beliaulah aku berbangga dan kepadanya aku bernasab رَضِيَ اللَّهُ عَنْهُ. Beliau adalah Saiyidina As-Syeikh Abul Hasan As-Syazili وَأَرْضَاهُ رَضِيَ اللَّهُ عَنْهُ.”

Adapun Saiyidina As-Syeikh As-Syazili رَضِيَ اللَّهُ عَنْهُ tiadalah orang mendampinginya melainkan mendapat futuh dalam tempoh dua atau tiga hari. Jika si pendamping tidak mendapat apa-apa futuh dalam tempoh tiga hari maka dia adalah pendusta dalam dampingannya atau dia jujur namun tersalah jalan. Dalilnya dari kitab Allah Azza wa Jalla Al-Quranul Karim:

قَالَ رَبِّ اجْعَلْ لِّي آيَةً قَالَ آيَتُكَ أَلَّا تُكَلِّمَ النَّاسَ ثَلَاثَةَ أَيَّامٍ إِلَّا رَمْرًا.

*“Nabi Zakaria berkata lagi: “Wahai Tuhanku! Jadikanlah bagiku satu tanda,” Allah berfirman: “Tandamu itu ialah engkau tidak akan dapat berkata-kata dengan orang ramai selama tiga hari (tiga malam) melainkan dengan isyarat sahaja” Ali ‘Imran: 41*

(Hal ini berlaku di hujung-hujung perjalanan beliau رَضِيَ اللَّهُ عَنْهُ. Kami sebutkan di sini sekadar catatan maklumat, bukan untuk mendalaminya... perjalanan harus diteruskan).

Beliau رَضِيَ اللَّهُ عَنْهُ juga pernah berkata: “Jika engkau mahu apa-apa hajat kepada Allah maka bersumpahlah dengan namaku kepadaNya.”

Sidi As-Syeikh Abu Abdullah As-Syathibi رَضِيَ اللَّهُ عَنْهُ (imam tersohor dalam bidang ilmu qira’at) berkata: “Setiap malam aku akan memohonkan keredhoan buat Saiyidina As-Syeikh As-Syazili رَضِيَ اللَّهُ عَنْهُ sebanyak begian-begian kali, dengan beliau aku bermohon kepada Allah menunaikan setiap hajatku lalu aku mendapati bahawa kabul permintaanku amat segera berlaku. Maka aku telah bermimpi bertemu Saiyidina wa Maulana Rasulullah ﷺ lalu ku katakan pada Baginda: “Ya Saiyidi ya Rasulullah, sesungguhnya hamba memohonkan keredhoan buat As-Syeikh Abul Hasan As-Syazili setiap malam selepas berselawat kepadamu dan dengannya hamba meminta kepada Allah menunaikan

hajat-hajat hamba. Apakah dengan itu hamba telah melampau dan melanggar batas?" lalu sabda Baginda kepadaku: "Abul Hasan adalah anakku secara hissi dan maknawi. Seorang anak itu adalah satu juzu' dari diri bapanya, maka barangsiapa berpegang kepada juzu' sesungguhnya dia telah berpegang kepada seluruhnya. Jika engkau meminta kepada Allah dengan Abul Hasan sesungguhnya itu bererti engkau telah meminta denganku jua" (selawat dan salam ke atasmu ya Habiballah ya Rasulallah).

Berkata Sidi As-Syeikh Ibnu Sobbagh رحمته الله: "Tikamana sudah sampainya Saiyidina As-Syeikh As-Syazili رحمته الله ke Negeri Tunis selepas melewati Algeria lalu mahu menuju ke Desa Syazilah sepertimana arahan syeikhnya Saiyidina Abdus Salam bin Masyish رحمته الله tibalah beliau di tanah lapang di luar kota tempat solat dua hari raya lalu bertemu seorang pencari kayu api warga Syazilah. Beliau pun menyertai lelaki itu menuju ke Desa Syazilah. Si pencari kayu api tiba-tiba tersedar bahawa dia lupa suatu hajatnya di pasar, maka kembalilah dia ke pasar kota sambil meninggalkan keldainya.

"Ketika itu berkatalah dia dalam hati: "Lelaki ini orang dagang (yang sedang musafir), takut-takut dilarikannya keldaiiku lalu bagaimana keadaanku tanpa keldai nanti," maka syeikh pun mengkasyaf pencari kayu api dan memanggilnya lalu kembalilah lelaki itu kepada beliau. Maka berkatalah Syeikh: "Hai anakku, bawalah keldai bersamamu dan biarlah aku tetap menunggu di sini, supaya aku tidak melarikan keldaimu seperti yang engkau ragu-ragukan dan nanti apa pula nasibmu tanpanya." Maka menangislah si pencari kayu api seraya berkata: "Demi Allah tiadalah yang tahu sangkaku ini melainkan Allah Taala jua," sedarlah dia bahawa Syeikh sebenarnya wali Allah lalu dia pun mencium kedua tangan dan kaki Syeikh seraya memohon doa padanya."

(Lihatlah masyarakat zaman dahulu... hanya dengan sekali kasyaf terus disambut dengan keyakinan dan ketulusan... lihatlah pula sekarang hal keadaan kita betapa teruknya... walaupun setiap hari melihat kasyaf dan karamah... tidak datang jua keyakinan atau masih





## Bekalan Murid Ke Jalan Akhirat

tak mampu untuk meyakini... kerana kita makan yang haram, menonton yang haram, bercakap yang haram, menyertai perkara yang haram... maka kita pun dihukum dengan buruk sangka, tidak meyakini, keingkaran, membangkang dan sikap tidak menyerah kepada kebenaran).

“Si pencari kayu api kemudian beredar ke pasar menyelesaikan urusannya. Apabila kembali dia bersumpah agar Syeikh turut serta menunggang keldai bersamanya maka naiklah beliau di belakang lelaki itu.

Lelaki itu bercerita: “Demi Allah hampir-hampir saja keldaiku tidak dapat berjalan membawaku seorang kerana kurus dan kurang makannya. Kami pun meneruskan perjalanan kira-kira sebatu lalu syeikh pun turun dari keldai. Tiba-tiba aku mendapati kami sudah sampai di kincir air yang letaknya di hujung Syazilah. Maka terkesimalah aku dengan dahsyatnya kemudian ku terpa beliau seraya berkata: “Ya saiyidi, sungguh hamba ini orang susah. Kerja hamba mencari kayu api dan menjualnya, hampir saja hasil jualan itu tidak cukup walau untuk sekadar membeli makanan asasi,” waktu itu bersamaku ada sekarung gandum masih bertangkai yang ku beli buat makan anak isteri dan untuk keldai,” maka kata Syeikh padaku: “Bawa kemari gandummu itu,” lalu aku pun membuka karungku, beliau memasukkan tangannya ke dalam karung kemudian berkata: “Simpanlah gandum ini dalam raga dan tutup mulutnya, cedoklah ia dengan tanganmu dan makanlah darinya lagi janganlah engkau menilik ke dalam ragamu itu, nescaya engkau dan anak isterimu takkan mengadu kesusahan lagi. Aku berdoa pada Allah semoga Dia mengkayakanmu dan mengkayakan zuriatmu.” [Perawi kisah ini berkata]: “Maka hingga sekarang tidak ada zuriat si pencari kayu itu menjadi fakir.”

Kata si pencari kayu api: “Maka demikianlah aku mencedokkan tanganku ke dalam raga itu mengambil darinya hari berganti hari, dengan keldaiku aku bertani dan ku jadikan dari gandum itu anak benih buat menanam gandum baru, maka melimpah ruah hasil yang ku perolehi darinya hinggalah pada satu hari aku membuka tutup raga itu dan menimbang gandumnya lalu mendapati beratnya sama seperti

asalnya tidak kurang barang sedikit pun. Apabila aku pergi bertemu Saiyidina As-Syeikh beliau mengujar kepadaku: “Jika engkau tidak membuka raga itu dan tidak menimbangnnya nescaya kamu akan terus makan darinya selama mana ia berada di rumahmu.” (Inilah problem muridin dan muridat; suka menyiasat dan memeriksa di belakang syeikh... lalu akan rugilah dia kerana dia mengintip kalam, perbuatan dan rahsia syeikh).

Orang pertama yang berguru dengan Saiyidina As-Syeikh Abul Hasan di Syazilah adalah Sidi As-Syeikh As-Soleh lagi wali yang kasyaf Abu Muhammad Abdullah Bin Salamah Al-Habibi رَحْمَةُ اللهِ عَلَيْهِ warga Syazilah. Dahulunya beliau dengan mengembala ternakan selalu pergi ke ibukota Tunisia menghadiri majlis Saiyidina As-Syeikh As-Soleh Al-‘Arif Al-Fadhil Abu Hafs Al-Jasus رَحْمَةُ اللهِ عَلَيْهِ, maka kata Sidi As-Syeikh Abu Hafs Al-Jasus رَحْمَةُ اللهِ عَلَيْهِ: “Ketinggian martabat ada pada mengembala ternakan.”

Kata Syeikh Abu Muhammad: “Satu hari aku memegang tangan Syeikh Abu Hafs seraya berkata: “Ya saiyidi, bolehkan Tuan menjadi syeikh hamba?” maka katanya: “Hai anakku, tunggulah kedatangan syeikhmu dari Maghribi, beliau adalah syarif keturunan Saiyidina Hasan, wali yang besar kedudukan dan dialah mahagurumu lagi kepadanya lah nisbahmu.” Maka teruslah dia menunggu-nunggu kedatangan Syeikh dan siapa saja faqir sufi dari Maghribi pastilah dia pergi mendampingnya hingga akhirnya sampailah Saiyidina As-Syeikh رَحْمَةُ اللهِ عَلَيْهِ ke Syazilah lalu bertemu dengannya. Yang demikian itu adalah kemuliaan dan bertuahnya Syeikh Abu Muhammad, maka dia pun mendamping diri kepada Saiyidina As-Syeikh dengan iltizam hinggalah mengikut beliau ke Gunung Zaghwan untuk beribadat dan mujahadah dalam tempoh waktu yang panjang. Lalu banyaklah karamah yang diriwayatkannya dari beliau...” (Fahamilah tuan-puanku sekalian; dalam tarekat kita ini wajib menjalani mujahadah demi mujahadah yang disertai istiqamah... di peringkat pemula memang meletihkan... di peringkat akhir mujahadah yang sama tetap dijalankan bahkan lebih dari itu namun rasanya menyenangkan, disertai zauq, rindu dan cinta... wahai Tuhan yang Maha Sejahtera, sejahterakanlah kami dan sampaikanlah kami).



## Bekalan Murid Ke Jalan Akhirat

Dihikayatkan lagi dari Sidi Abu Muhammad رَحِمَهُ اللهُ: “Satu hari di Jabal Zaghwan Saiyidina As-Syeikh membaca surah Al-An’am hinggalah sampai kepada firman Allah Taala:

وَأِنْ تَعْدِلْ كُلَّ عَدْلٍ لَا يُؤْخَذَ مِنْهَا...

*“...dan jika dia hendak menebus (dirinya) dengan segala jenis tebusan, (nescaya tebusan itu) tidak akan diterima daripadanya...”*

**Al-An’am: 70**

“...ketika membaca ayat ini Saiyidina telah diselubungi hal yang amat besar; beliau terus mengulang-ulang bacaannya sambil badannya bergoyang-goyang, ke mana arah goyang badannya akan diikuti oleh gunung bergoyang ke arah yang sama hinggalah Saiyidina tenang maka gunung pun ikut tenang.”

As-Syeikh As-Soleh Abul Hasan Ali Al-Abraqi yang tersohor dengan gelar Al-Hatthab berkata: “Satu hari aku berkata kepada Sidi Abu Muhammad Abdullah Al-Habibi: “Khabarkan padaku sebahagian dari apa yang Tuan lihat dari Saiyidina As-Syeikh Abul Hasan,” maka jawab beliau: “Banyak peristiwa yang aku lihat darinya, akan ku khabarkan padamu sebahagian dari peristiwa itu:

“Aku telah tinggal bersama beliau di Gunung Zaghwan selama empat puluh hari dengan hanya berbuka puasa rumput dan daun *daflaa’* hingga luka berdarah bibir dan rongga mulutku. Maka kata Saiyidina kepadaku: “Wahai Abdullah, nampaknya kamu teringin menjamah makanan,” aku berkata: “Ya saiyidi, hamba memandang Tuan itu sudah cukup bagiku” (lihatlah betapa beradab si murid dan tidak mengadunya dia), kata beliau: “Esok Insya Allah kita turun ke Syazilah dan di tengah perjalanan kita akan disambut kemuliaan.”

“Maka keesokan paginya kami pun turun dari gunung, sampai di tanah datar beliau berkata kepadaku: “Wahai Abdullah, jika aku keluar dari jalan raya janganlah engkau menuruti” (ertinya jangan engkau mengintip pekerjaan Syeikh... namun si murid tak mampu menahan

diri lalu pergi memerhatikan Syeikh, boleh jadi kerana bimbangkan keselamatan beliau atau kerana sifat ingin tahu).

“...lalu Saiyidina diselubungi hal yang luar biasa dan keluarlah beliau dari jalan hingga jauh dariku. Tiba-tiba aku lihat ada empat ekor burung besar turun dari langit dan mengapung sebaris di atas kepala Saiyidina. Lalu setiap burung yang empat itu mendatangi beliau dan berbicara dengannya. Aku juga melihat bersama empat burung besar itu sekawan burung bersaiz kecil; kesemuanya mengitari Saiyidina dari bumi hingga ke kaki langit sambil mengelilinginya, kemudian semua itu hilang dari pandanganku.

“Sesudah itu Saiyidina kembali padaku dan bertanya: “Ya Abdullah apakah engkau tadi melihat sesuatu?” aku pun berkata: “Benar,” (di sini kejujuran dan dia tidak menafikan dengan engkar, kerana itu dia dimuliakan beroleh makrifat pengetahuan... fahamkah kamu wahai si murid penuju Allah?) lalu aku khabarkan beliau apa yang telah aku saksikan...(di sini jika dia tidak mengkhabarkan kepada Syeikh... maka Syeikh tidak akan mengulas kerana apa yang telah berlaku adalah rahsia).

“...maka kata Saiyidina: “Adapun empat ekor burung itu adalah dari kalangan malaikat lapis langit yang keempat, mereka datang padaku bertanyakan satu ilmu lalu aku pun menjawabnya. Adapun kawanan burung yang sebangsa burung layang-layang itu adalah arwah para awliya yang hadir untuk mengambil berkat dari kedatangan kita.”

Kata Sidi Abu Muhammad lagi: “Kami tinggal di Gunung Zaghwan untuk satu tempoh yang panjang. Allah telah memancarkan bagi kami mata air segar dan terdapat di gunung itu satu gua tempat Saiyidina tinggal. Sekarang dari kaki gunung masih kedengaran suara azan dari gua itu pada waktu-waktu solat, jika orang naik ke atas dia takkan menemui sesiapa pun mengimarahkan tempat itu, fenomena ini berlaku sekali sekala.”

Saiyidina As-Syeikh As-Syazili روضه القلوب berkata: “Dikatakan padaku: “Ya Ali! Turunlah kepada manusia ramai supaya mereka beroleh manfaat



## Bekalan Murid Ke Jalan Akhirat

darimu,” aku berkata: “Ya Robbi, uzurkanlah hamba dari percampuran dengan masyarakat kerana hamba tak kuat untuk bergaul dengan mereka.”

“Lalu dikatakan padaku: “Turunlah, sesungguhnya Kami telah menyertakan selamat sejahtera bersamamu dan telah kami angkat darimu celaan,” aku berkata: “Ya Robbi, Engkau meninggalkan hamba kepada masyarakat ramai apakah hamba akan makan dari dirham mereka...,” maka dikatakan kepadaku: “Belanjakanlah nafkah ya Ali! Akulah yang Maha Memberi; jika engkau mahu nafkah dari poket, atau jika engkau mahu nafkah dari alam ghaib,” maka kataku: “Ya Robbi, hamba mohon dari poket” (ertinya nafkah pendapatan dari sebab musabab, syariat lahir dan perniagaan... Saiyidina As-Syeikh As-Syazili روضه الجنه akhirnya menjadi usahawan besar dalam perniagaan kuda di Mesir... beliau telah menjadi tokoh terkemuka di kalangan golongan atasan dan orang-orang kaya).

Moga Allah meredhoinya dan mencapaikan keredhoan kepadanya dan semoga Allah mengurnia kita kemanfaatan dari mereka semua... Allahumma amin ya Arhamar Rohimin, muliakanlah kami dengan keredhoan, mahabbah, kabul, taufik, kemudahan, bilangan yang ramai, madad yang kuat demi jaah Saiyidina Baginda Nabi ﷺ dan dengan keberkatan Sidna Abdun Nasir yang telah membawa kepada kami sirr tareqat ini yang dilimpahi keberkatan, sinar cahaya, kemudahan dan pembukaan. Walhamdulillahi Robbil Alamin.